

ULRICI HUBERI JC^{ti}
Eloq. & civilis Hist. Professoris

D E

GENUINA ÆTATE
ASSYRIORUM
ET REGNO
MEDORUM.

Disputationes VII.



FRANEKERÆ,

Typis Ioh. Wellens, Illustr. Frisicæ Ordin. &
corundem Acad. Typogr. Ordinar. 1662.

THE
ASTORIA
AND
MEDFORD
VIR



38
1-531-4



*Illustribus, Nobilissimis &
Spectatissimis Viris,*

D. DOMINICO, ab AYLVA;
Prætori in Leeuwarderadeel.

D. ONIÆ à GROVESTINS,
Prætori in Hennaerderadeel.

NOVEM-VIRIS

Reipublicæ Amplissimis.

D. HERONI ab OCKINGA,
Senatori Supremæ Curiaë.

D. SUFFRIDO ÆBINGA
ab

HUMALDA,
Ærarii Præfecto.

* 2

D. THEO-

D. THEODORO à BAARDT,
Prætori Stellingwervix occi-
dentalis.

D. ALLARDO PETRO
à JONGESTALL,
Senatori Curix Primo, Exle-
gato Anglicano.

Academiæ CURATORI-
BUS Magnificis.

*Dominis & Fautoribus
suis Magnis.*

DUm in eo sum, Il-
lustres & Nobilif-
simi Proceres, ut,
quod vestra sub cura & au-
ctoritate mihi publicè in
honorem Academiæ in-
jun-

DEDICATIO.

junctum est conscribendi
munus, ad hoc me parem
& ornando instruendo-
que operi necessaria col-
ligam ; interea dissertatio-
num hoc historiarum
opusculum subcivis ho-
ris est natum. Quippe
cum nuper auditoribus
meis publice privatimque
fontes rerum gestarum è
Græcis & Romanis Scri-
ptoribus compendiarie in-
terpretarer ; ne in limine
institutionis fluctuare sta-
tim atque hæerere cogere-
mur ;

DEDICATIO.

mur; Assyricam vetustatem, nuper à maximis orbique literario utilissimis Viris in dubium vocatam, stabiliri sane, & adversantium rationes, si displicerent, modeste refutari oportuit. Quod cum ordinarium coepta instituti modum egrederetur, peculiari è cathedra exercitatione, quæ tamen auditorio se contineret, faciundum existimavi; ut nec aliud quàm utriusque opinionis fundamenta ratio-

tio-

DEDICATIO.

tionesque tractarentur ,
nec quisquam nisi summi
honoris causa nominare-
tur. Hoc igitur cum neces-
sitas & explicandæ profes-
sionis officium tenuitatis
meæ alioqui conscio impo-
suerit, non sum veritus ejus
specimen vobis Illustres &
Nobilissimi Viri, qui Aca-
demicam rem vobis ad a-
nimum pertinere tot argu-
mentis testatum fecistis ,
verecunde & humiliter of-
ferre ; tam ut gratitudinis
pro honorifico, in scriptio-
nis

DEDICATIO.

nis illa publicæ causa, iudicio, quam ut observantiæ erga vos meæ devotique animi qualecunque monumentum extaret. Deus Optimus Maximus diu vos Patriæ & Academiæ publico bono incolumes servet! Quod vovet.

Vester, Illustres & Nobilissimi Proceres

Humillimus cliens

ULRICUS HUBER. U.J.D.

Eloq. & civ. Hist. Prof. Ord.

DE ÆTATE
ASSYRIORUM
DISSERTATIO I.

*In qua veterum consensus
pro communi sententia
ostenditur.*

In quâ Respondebit

JOHANNES ALTHUSIUS,
Emdâ Fris-Orientalis.



Qui olim historias & hoc
sæculo doctrinas tempo-
rum scripsere, gentilium
rerum initia, missi anti-
quioribus fabulis, à Nino & Assy-
riorum imperio, ab annis circiter
mille & sexcentis ante Cyrum,

A

(cu-

(cujus principium haud dubie incidit in annum ante Christum quingentesimum quinquagesimum octavum) deducunt, quorum plus paulo quam trecentos Medis; reliquos Assyriis tribuunt. Quæ cum admodum nuper ab *Vßerio Armachano* aliisque maximis viris contra scribi atque doceri cœperint, ut tantum Assyriorum tempori annos adscribant *quingentos*; visum est curæ pretium, ne in limine studii nostri fluctuare cogamur, exacte in rem totam inquirere: quod quenquam aliter quam honesto studio salvaque magnorum nominum reverentia fieri interpretaturum esse creditu alienissimum est, præsertim cum tyronibus compendia historiarum tradentibus id scitu disputatuque præcise sit necessarium. Id constat viros summos maxime commovisse, quod & calculum Assyrio-

syriorum altius quam expediat ascendere ad diluvium. Noachi putarint & paganas antiquitates ultra exitum Hbræorum. protendere religioni duxerint. Nobis est compertum idque demonstrabimus, nihil posse in verusta historia clarum & asseveratum haberi, si verum non sit, Assyrios *tredecim fere seculis* imperium obtinuisse; quæ antiquitas nemini enormis videri debet, cum vel his diebus Veneros & Gallos, quod illustrandi ergo liceat allegare, haud sane multo pauciores à suis originibus annos numerare constet.

§. 1.

ABsolvemus hanc disputationem quatuor omnino capitibus, quorum primo potissima veterum scriptorum testimonia de ætate Assyriorum succincte exhibebimus; quæque in iis

explicari aut defendi merentur brevissime absolvemus; tum rationibus & argumentis eandem antiquitatem probabimus; nec adversari hanc sententiam scripturæ sacræ aliisque sanis traditionibus ostendemus; inde contrariæ opinionis fundamenta ita excutiemus, ut multo tenuiora & obscuriora interque se dissona sint apparitura quàm nostra cuiquam sano sensu prædito videri possint. Sententia, inquam, summorum virorum est, Assyricum imperium, si non plane fabulosum, annis tantum *quingentis* & si quid excedit, floruisse; quæ tamen quinque sæcula cum indubitata Cyri ætate & reliqua civili historia connexuri, adeo laborant, ut multo lubentius quicquid est Assyrici nominis involutum tenebris & pro mera struemendaciorum protritum vellent; adeo-

adeoque ubi Ninum regem collocare debeant, nescire se fateantur.

§. 2. Primo omnium, nihil habent antiquius; quam Ctesiam Cnidium ut præcipuum communis sententiæ auctorem, explodere; quam in rem eorum testimoniis utuntur, qui tragicis eum & dramaticis narratiunculis nimium indulgisse (quorum præcipui sunt Plutarchus & Photius, cui juxta Diodorum quicquid de Ctesia superest, debemus) scripserunt. Sed idem Plutarchus omnium Ctesiae acerrimus censor, in iis quæ nullam scenici & pathetici figmenti causam vel occasionem habebant, fidem ei habendam censet; & hac ratione testimonium ejus Dinoni historico non vulgari præfert etiam cum de tempore quæritur, *in vita Artaxerxis*. Photius autem *Cod.*

71. potissimam mentiendi infamiam contraxisse Ctesiam scribit, ἐν τοῖς Ἱππεραφομύοις αὐτῷ ἰνδικά, in libro quem indica inscripsit; nec consistere ejus vanitatem inputationibus temporum sed in apparatu narrationum τὸ παθητικόν καὶ ἀπροσδόκητον ἔχουσαν πολὺ καὶ τὸ ἐγὼς τῆ μυθώδους, *qua multum serviunt affectibus multumque inexpectati & simile fabulosi habent.* His vitiis si Ctesias laboraverit, velim scire an minus hoc nomine Herodotus ab omnibus antiquis reprehendatur, de cujus malignitate librum integrum Plutarchus scriptum reliquit; & tamen is unus & solus est, cujus fide hæc recens opinio, cum pro Ctesia tot alii sint, nititur. Hoc illius patroni oratoria prudentia dissimulant; quod Ctesiae impingitur accurate notantes, quod Herodoto, prætereuntes. Sed

Sed in calculis temporum, quod Plutarchi argumentum est, nihil scenici & dramatici reperitur, nec proin Ctesix aut Herodoto fides hoc nomine deneganda est. Ideoque magnus Scaliger, qui Ctesix inconsulta & maligna mendacia exprobrat, in Assyricis tamen & in Medicis adeo cum Herodoto præfert, ut alios reges alia tempora quærentes fidenter insanire affirmet. Quemadmodum & reliqui omnes Ethnici & Patres Ecclesiastici, quos non fugiebat vanitas Ctesix, relicto Herodoto, quam proxime ad illius traditiones accedunt; haud dubie quod & alii vetustiores eadem prope de Assyrica vetustate tradidissent; cujus argumentum rei est quod Eusebius πολλὰς τῶν ἱστορικῶν συμφωνίας. *multos clariorum historicorum in hanc rem consentientes al-*

legans Ctesia non meminerit. Sed quæ peculiariter ei obijciuntur in disputatione tertia removebimus, & in sequenti quid Herodoto sit tribuendum examinabimus. Nunc præcipuorum veterum, quorum libri & loca extant, testimonia quæ de *mille trecentis annis* loquuntur, repræsentabimus.

§. 3. Primus est Diodorus, qui auctorem Ctesiam laudans *libro 2. cap. 21.* imperium Assyricum à Nino ad Sardanapalum stetisse ait annos *mille trecentos & sexaginta*; sed hi *sexaginta* à reliquis Ctesiam non obscure sequentibus unanimiter omittuntur. Quod suspicionem non levem movet, *in cap. 28. ejusdem libri* pro *mille quadringentis* legendum esse *mille trecentos*; quam facilis sit lapsus τετρακοσίαν pro πεντακοσίαν cuiusvis liquet; & juvatur hæc emendatio, quod locus
hic

hic tantum sit repetitio prioris, eadem pene verba referens, eundem numerum generationum à Nino ad Sardanapalum exprimens; unde patet diversum à priori hunc non esse calculum; at foret alius si *quadringentis* hic scriptum esset, minor enim numerus majorem includere nequit, major minorem potest. Accedit quod a libi rotundo calculo utens Diodorus ad numerum 1300. non 1400. respiciat; ait enim *cap. 22.* cum ad Trojam pugnaretur, Assyrios jam regnasse annos plus mille, Capta autem est Troja annis sex & trecentis ante casum Sardanapali.

4. Diodoro jungimus Æmilium Suram, scriptorem inprimis vetustum, qui apud Vellejum *libro 1. cap. 6.* inter tempus debellati Antiochi Magni & initium Nini intercessisse ait annos *mille nongentos*

nonaginta quinque. A devicto Antiocho ad Cyrum retro sunt anni trecenti & septuaginta, ita ut Ninus antiquior fuerit Cyro annis mille sexcentis viginti quinque; quorum trecenti & septendecim pertinent ad Medos; adeo ut secundum hunc genuinum Suræ locum Assyriorum imperium floruerit annis *mille trecentis & octo.*

§. 5. Vellejum Paterculum pro contraria opinione proferri video, sed quam infelicitè nec ipsos fugit citantes dum mox ita cum explicant, ut majorem inde mille trecentis ætatem pro Assyriis colligant. Et quis putet Vellejum magnopere à Sura, cujus aut ipse locum aut ex ejus mente alius suo textui inseruit, dissentire? Habet quidem vulgaris textus in *principio cap. 6.* mille septuaginta annos pro tempore Assyriorum; sed præter-

terquam quod hic numerus multo sit proximior mille trecentis quam dissentientium quingentis annis, insuper vitiosus habetur; Nam & Lipsius mille ducentos & triginta legit, ipsique opinionis contrariæ authores, in lectionem mille trecentorum & viginti consentiunt. Atqui ita præcise ad annos mille trecentos redigeretur; nam in fine Assyrici imperii determinando viginti annis aberrasse Vellejum scribit Scaliger *libro 3. canon. Isag.* Si qui veterum illorum, Ctesia calculos sit secutus, hunc ego Vellejum fuisse non dubitaverim, cum & verba verbis Diodori respondeant. Unde enim hæc sua, *ita ut semper successor regni paterni foret filius* hausit, nisi unde Diodorus hæc *ἡ αἰς ὅταν πατρὸς διαδεχόμενος τὴν ἀρχὴν*; l. 2. cap. 21.

§. 6. Sequitur Justinus Trogi, ex quo tanquam ex tripode, putant Viri Clarissimi, docere eos Assyriorum & Medorum ætatem, qui veteri sententiæ adhærent; cum nulli tamen antiquorum Viri docti minus quam huic in Chronologia tribuant, nec hujus potissimum fide hanc sententiam inniti vel ex his quæ disputavimus liqueat. Justino dum solus est in temporum ratione nemo sanus multum crediderit, sed cum aliis accurate conveniens non invalidum argumentum præbet: Visum tamen est faciundum summis viris, ut hujus potissimum gladio ipsi erepto communem sententiam jugularent. Et quid tandem? Justinus diluvium Noachi ignorat & ignorat historiam ante Ninum; Ergo & hujus initium & Assyricum tempus ignorat? Imo hæc non Justinus

stinus sed omnes Ethnici ignota-
 runt, nullumne igitur historiæ suæ
 principium reperire potuerunt?
 Præterea Justinus Vexorin & Ta-
 naum reges mille quingentis annis
 Nino vetustiores facit, & hoc por-
 tentum debent admittere qui Cte-
 siam non rejiciunt. Ergone Ctesias
 eadem scripsit? aut quæ est hæc
 iniqua postulatio? Qui Justinus de
 tempore Assyrico testimonium,
 cum omni vetustate consentiens
 accipiunt, his & illa admittenda
 sunt in quibus idem longissime ab
 omni antiquitate recedit? quis
 enim præter Justinum hæc de
 Vexori & Tanao scripsit? Si Ve-
 xoris, ut creditur, est Sesostris,
 duabus ætatibus superior erit Pro-
 teo, si Herodotum sequimur, quo
 rege capta est Troja, mille post
 Ninum annis; Et si absurdum non
 est Vexorin esse Sesostrin, nec
 id

id alienum erit, Tanaum esse Madyen Scytham apud Herodotum. Cyro non multo superiorem. Nos Justinum tribuentem Assyriis mille trecentos annos comprobamus, quia cum Ctesia & Diodoro & Sura atque Vellejo aliisque innumeris convenit. Vexorin & Tanaum tot sæculis Nino præponentem rejicimus, quia cum potioribus & antiquioribus aliis omnibus pugnat.

§. 7. Fuere præcipui gentiles; sequuntur Christiani veteres, quibus obiter præmittimus Hebræum Josephum, qui *libro 1. cap. 10. ἀρ- καιολογίας* expeditionem Abrahami adversus quatuor reges enarrans, καὶ ἐκείνον ὃ τὸν καιρὸν, inquit, Ασυρίων κρατέωντων τῇ Ἀσίας. *Eo tempore cum Assyrii rerum per Asiam potirentur*, & sic porro; atqui hoc idem est quod sequentes
Ec-

Ecclesiastici volunt, qui Abrahami
nativitatem Nini regno *σύγχρονον*
faciunt, quod hypothesin nostræ
antiquitatis supponit.

§. 8. Illorum primus est Augu-
stinus, qui *libro 18. de citate Dei c.*
21. Assyricum imperium ad Me-
dos translatum fuisse ait post an-
nos *mille trecentos & quinque*, an-
noque quadragesimo Nininatum
esse Abrahamum affirmat *l. 16. de*
C. D. c. 17.

§. 9. Præceptorem haud dubie
discipulus sequetur Orosius, qui *li-*
bro 1. cap. 4. Ninum annis mille
trecentis ante urbem conditam flo-
ruisse scribit, Sardanapalum au-
tem regnasse ait novissimum annis
sexaginta quatuor ante eandem
urbem conditam *cap. 19. ejusdem li-*
bri, sed tum Beli regnum oromit
cujus sexaginta quinque anni ex
sententia Augustini si accedant *d.*
l. 16.

l. 16. c. 17. spatium milletrecentorum denuo erit expletum. Cum hæc perspicua sint, non est difficilis conjectura locum esse mendosum in *cap. 12. l. 1.* quo regnum Assyriorum usque Sardanapalum per annos MCLX. actum esse affirmat, ubi necessario legendum videtur M C C X L. rotunde pro MCCXXXIV; Nam si tunc Beli sexaginta quinque anni accedant, mille trecenti iterum explebuntur. Nisi hæc emendatio concedatur misere autor sibi ipse contradicet.

§. 10. Claudet agmen Eusebius, qui in utroque Chronico *ad num. 1197.* à Nino Beli, ut ait, filio ad Sardanapali exitium annos numerat mille ducentos & quadraginta, additoque Beli regno exacte annos *mille trecentos*, ut testis quoque est Censor ejus Georgius Syn-cellus,

Disp. II. *Resp.* JOH. ALTHUSIUS,
cellus, qui in eo Castorem anti-
quum scriptorem magis eum sequi
testatur, τῷ Κάστορι μᾶλλον ἀκολουθή-
σας, inquit; quod mirum est Sca-
ligerum capere non potuisse; *Quo-*
modo sequitur Castorem, ait ille in-
notis ad hunc locum; quum Castor u-
niversum Assyriorum imperium mil-
le ducentis octuaginta annis definiet,
Eusebius mille trecentis? Non ait
Eusebium prorsus Castorem sequi
Syncellus, sed magis, συγκριτικῶς
comparative, respectu Africani;
Nam à Castore viginti annis ab-
est, ab Africano centum & 84.

§. 11. Atque ita præcipuos an-
tiquorum vidimus, qui Assyriorum
imperium annis circiter *mille & tre-*
centis floruisse constanter & diserte
affirmant, ut jam Africanum & si
qui altius adscendunt, prætereaa-
mus; quanquam certum est, Euse-
bium præter Cresiam, Castorem
B quoque

quoque aliosque veterum hic omissos secutum fuisse; Quorum omnium fidem rejicere & mendacii arguere, est fundamentum historiæ tollere & quicquid à veteribus memoriæ proditum est funditus evertere. Nam cum unice historia scribentium fide & testimoniis nitatur, quid tandem certi futurum sit, si quod tot consentientium auctoritate firmatum est, despuere liceat, non video. Accedit, quod eruditissimorum hoc sæculo Virorum, qui in literis familiam ducunt, omnique ætate in his rebus indagandis sunt versati, nullus non eandem Assyricarum rerum antiquitatem, sine hæsitatione agnoverit. Neque tamen adeo è potestate mentis exierunt, ut quam propinquus esset hic calculus diluvio Noachi non viderent, cum Hebraicam ipsi computationem sequerentur

tur, aut si contrariari literis sacris hanc profanam vetustatem censerent, eandem tamen probarent. Et profecto, qui non prorsus amore suarum inventionum abrepti, rationi miserint repudium; hos consensus tot clarorum hominum ex professo eam rem tractantium saltem hætenus cohibere debebat, ut ne maiorem suo solorum iudicio quam literatorum omnium consensui fidem à nobis habendam contenderent. Nam quod jactatur, reliquos omnes horum temporum eruditos, præter Usserium paucosque alios, clausisse oculos, veritatemque adeo in conspicuo positam contueri noluisse quam veri habet speciem? Ctesiam paucosque gentilium Veteres aut Ninum vel Sardanapalum tanti illos fecisse, ut in eorum gratiam divini Mosis fidem in dubium vocari voluerint?

Plane non puto unquam factum esse aut fieri posse, ut in re tam palpabili quam harum rerum falsitas repræsentatur, tam unanimiter unquam eruditi atque in Assyricis antiquitatibus evenit, consentire & errare potuerint.

12. Cæterum Magnus Scaliger non contentus hac mille trecentorum, & si quid supra est, annorum ætate, plusquam sesquicentum annis vetustius Assyriorum initium statuere videtur ex Julio Africano, qui nescio quibus authoribus annos mille quadringentos octuaginta quatuor Assyriis adscribit, non sane ex Ctesia vel Diodoro, neque Castore vel Cephallione, quamquam trium posteriorum nomina catalogo regum suorum præscribat, cum eos omnes multo minorem tradidisse numerum constet. Atquidem Africanus pro hypothese com-
pu-

putationis Græcæ, quam amplectitur, sine absurditate tam enormem sententiam admisit; sed quo pacto Scaliger cum vulgato ex Hebraico textu calculo, quem merito probat, hanc sententiam conciliare potuerit imaginari nequeo: nisi quis putet Nini regnum in ipsam vastitatem prioris mundi ipsumque diluvium conjicere, non esse omnium multo absurdissimum. Id quod me credere jubet, idem eum hic voluisse, quod *in libro 3. canon. Isag. de Ægyptiis ante diluvium*, dynastiis scripsit, superare quidem eas Mosaicam antiquitatem, sed quia methodice sunt digestæ & in mediis temporibus cum veritate conveniunt, non fuisse eas prætereundas. Atque in hac parte magis eo id confirmatur, quod & ipse in *notis ad fragm. veter.* & omnino quoties ex veritate historica loquitur

tur, ultra Ctesia numeros non
adsurgat, neque sectatores ejus &
descriptores Calvisius & Ubbo
Emmius in suis Chronologiis Afri-
cano fidem habeant. Nec obstat
quod morose passim Eusebio ex-
probrat Scaliger dissensum ab Afri-
cano; hoc enim ita interpretamur,
non quod absolute in id pro Afri-
cano contenderit, sed quod fas
non putarit, cum passim Eusebius
vestigia Africani legeret, eum in
hoc capite ab auctore suo discede-
re, ipsumque truncatis aliquot re-
gum spatiis velut mutilum exhibe-
re. Sed ne quis putet auctoritate
sola communem sententiam niti,
videamus si quæ sunt argumenta &
rationes.

DE ÆTATE
 ASSYRIORUM
 DISSERTATIO II.

*qua communis sententia ar-
 gumentis stabilitur.*

QUanquam asseverate ma-
 gni viri dissentientes, nul-
 lum mundi annum, vel, quæ
 certior est æra, ante Christum vel
 ante Cyrum nominare possunt, quo
 Ninum & Assyrios primum cœ-
 pisse velint, in eo tamen conveni-
 unt, id multum fuisse infra Mosis
 & Hebræorum exitum in Arabiam.
 sed ego existimo & res loquitur
 Ninum seu Niniven urbem, quam
 suo tempore civitatem magnam di-
 vinus Moses appellat, à Nino re-

ge si non conditam primum, appellationem tamen proculdubio esse consecutam. Nam Diodorus libro 2. cap. 23. Τὴν μὲν πόλιν, inquit, ἐκάλεσεν ἀφ' ἑαυτῆς Νίνον, Urbem à se Ninum appellavit, & L. Ampelius in libro memorabil. Ninus rex inquit, clarissimam urbem nominis sui condidit Ninum. Quæ duo loca ob brevitatem selegimus. Ac ne quis imperitiam Hebraismi cum Diodoro & Ampelio nobis objiciat aliamque Ninives etymologiam obtrudat, placet Christianos & Hebraice peritos addere: Eusebii est illud Νίνος ἐπώνυμος ἢ Νίνος πόλις. Nini cognominis urbs Ninus. Expressius Pater Augustinus libro 16. de civitate Dei cap. 3. Cujus, inquit, civitatis nomen ex illius nomine derivatum est, ut à Nino Ninive diceretur. Ipse Hieronymus Bibliorum interpres, cui in Hebraicis

cis originibus summa fides debetur
in tradit. Hebr. in Genes. ad verba,
Ex terra illa egressus est Assur ita ait,
de terra illa, Assyriorum pullulavit
imperium, qui ex nomine Nini Beli fi-
lii Ninum condiderunt urbem ma-
gnam, quam Hebraei appellant Nini-
ve, ad cujus vel ruinam vel pœni-
tentiam tota Iona pertinet prophetia.
Idem in caput. 2. Osea. Primum o-
mni Asia regnasse Ninum Beli filium
omnes & Græci & barbara narrant hi-
storiæ, qui apud Assyrios Ninum sui
nominis condidit civitatem, quam
Hebraei vocant נִינְוֶה. Græci dicunt
simpliciter Ninos, Ebræi vocem
נִינְוֶה in constructione נִינְוֶה Neve quæ
habitaculum significat, addunt,
plane atque si tu diceres Νινὸπολις
Nini civitas, quod alias ipsis Græ-
cis familiare est, ut in Constanti-
nopoli, Adrianopoli aliisque in ho-
diernum diem extantibus.

§. 2. Quod si Ninus urbs hoc nomine jam Mosis tempore magna & célebris habita sit, quis negabit appellationis ejus Authorem Mose & egressu Israëlis vetustiorē fuisse & quidem multo vetustiorē? Sed objicient, Ninum conditam esse à rege Nino id mentiri Scriptores, Nimrodi opus esse Nino vetustius, cui proin nec nomen nec originem debeat. Equidem de structura nobis integrum non est negare, quando pridem eorum opinionem probavimus, qui de Nimrodi itū in Assyriam *versiculum 12. capitis 10. Genes.* interpretantur; licet invitis Josepho, Hieronymo, Augustino, Scaligero multisque Bibliorum interpretibus. Sed hoc maxime concessio, nihil penitus prohibet, quoniam nomen urbis Nino regi acceptum sit ferendum: Pervulgatum enim est
civi-

civitates non modo à primis fundatoribus sed & ab instauratoribus & innovatoribus nominari, quin & tales non raro ut auctores urbium celebrari; Babylonem æque Nemrod condidit ac Niniven, minusque illud controversum est, cum diserte scriptura principium regni ejus Babel fuisse testetur & de Nino involuta sint verba; tamen Babylonis ædificatio à quo non Veterum Semiramidi adscribitur? quin apud Danielelem Nabuchodonosor gloriatur; *Nonne hac est Babylon magna quam adificavi?* Nec mirari oportet Scriptores tam illustri memoria structuræ Semiramidis fuisse deceptos; neque Ctesias culpandus vel Diodorus, quod obscurata per Nini res gestas & gloriam, Nemrodi famâ, admirabilem illius innovationem pro fundatione primæva acceperint.

Et

Et prorsus quid prohibet Ninum auctæ ornatæque urbi nomen dedisse, cum ut vetusta præteream, quid Constantinus Magnus de Byzantio fecerit nemo ignoret?

§. 3. Ita demonstratum est fieri non posse, quin Ninus multo fuerit exitu Hebræorum antiquior: sed si ostenderim Belum Nini Patrem, ut etiam Herodotus scribit, vel sane proximum Antecessorem, esse eundem cum Nimrodo, tunc Assyriorum initium paulo utique accuratius determinabitur. Nam quin primus rex fuerit Assyriorum Belus, ne quidem novæ opinionis Patroni negant aut negabunt. Auctores quidem plerique, quos produximus, Ninum appellant primum, non quod de Belo abnuant, sed quod ejus nomen rebus gestis Nini sit obscuratum, tum & tempus quo regnaverit ignoretur;
Nam

Nam ita diserte Castor ille vetus apud Eusebium, *Τὸ μὲν ὀνόματι*, inquit, *(Βήλ) μνημονεύομεν, τὸ δὲ ἀρχὴν τῆς χρονογραφίας δὸτὸ Νίνε ποιήκαμεν*, *Nominis quidem Beli meminimus, sed initium scribenda historia à Nino fecimus*, quoniam ut antea dixerat, regni ipsius anni non accurate fuerint traditi. Si, inquam, probemus, Belum esse Nimrodum, sequetur ultro, Assyriorum initium pertingere usque dispersionem gentium, & facile annis mille sexcentis assurgere ultra Cyrum. Et primo quidem, cum vetustiore Nino Belum esse inter omnes constet, nec tamen ante Ninum quisquam à profanis præter Belum, in sacris præter Nimrodum domitor gentium memoretur, judicatu facile est eundem hominem diversis nominibus, quod in his antiquitatibus solenne est,

si.

significari. Sed evidentius argumentum est, quod Babylonicam molem Nimrodi opus esse nemo dissentientium neget: at idem de Belo veterum plerique tradiderunt. Nam præter Abydenum, qui apud Eusebium *libro 9. περπαρασκ. cap. 4.* Belum ait, βαβυλῶνα τέχει περιβαλεῖν *Babylonem muro cinxisse*, Dorotheus quoque Sidonius Poëta apud Julium Firmicum cecinit Ἀρχαίη βαβυλῶν τυρεῖς βήλοιο πόλισμα, *Urbs vetus est Babylon Belii Tyrii monumentum*. Tyriacum autem non esse diversum ab Assyrico Belum probat Salmasius ad Solinum. *pag. 87.* Curtius *libro 5. cap. 1.* de Babylone, *Semyramis eam condiderat*, inquit, *vel, ut plerique credidere, Belus, cujus regia ostenditur.* Accuratus & confidentius Ammianus Marcellinus *libro 23. cap. 20.* *Mænia quidem urbis à Semiramide constru-*

structa fuisse ait, arcem autem ab antiquissimo rege Belo. Templum Beli adhuc suo tempore durasse testatur Plinius libro 1. cap. 26. Strabo Βήλος Τάφος sepulchrum Beli appellat libro 6. in princ.

4. Hæc omnia vel à Belo, quod verius, vel statim à Beli morte ædificatam esse turrim luculenter ostendunt. Sepulchrum enim nemo nisi aut sibi aut recenter mortuo constituit; in templi usum (si non turri id circumdatum postea) mutant ædificium, qui apud sepulchrum memoriam hominis supersticioso cultu honorabant, ut Mahometani Mecham. Cum his elegantissime consentit Artabanus apud Polyhistoren, citante Eusebio libro 9. περὶ παρασκ. Βήλον ἐκφεύγοντα τὸν θάνατον ἐν Βαβυλῶνι κατοικῆσαι, πύργον τε κατασκευάζοντα ἐν αὐτῷ διατᾶσθαι. *Belum cum mortem &*
ira-

iramdeorum effugisset Babylone habitasse & cum turrim edificasset in ea vixisse. Quis dubitet hunc esse Nimrodum? Iosephus libro 1. Ναβρώδης ὃ χάσας ὑὸς ὑπομείνας ὡς βαβυλωνίοις ἐτυράννησεν, quod ille de Belo id hic de Nimrodo scribit, & liquet Belum Babylonem ædificasse, at eandem Nimrod ædificavit, ut omnes credunt, & Iosephus libro 1. cap. 5. affirmat. Quid amplius expectamus? Imo præter hæc omnia, Belus Assyriorum rex primus est, quod negat nemo; etiam Nimrod Assyriæ rex primus est, ut ipsi dissentientes Mo- sen explicant; aut igitur unus homo duplex est, aut Belus est Nimrod. Hic interfuit dispersioni gentium. Illa præcedit Cyrum annis mille sexcentis & ultra. Ergo & Assyriorum initium, post quod statim est Ninus, eò se extendit.

Disp. III. Resp. JOH. ALTHUSIUS.

§. 5. Quanquam hæc ita sunt comparata, ut à sanis hominibus negari nequeant; age largiamur tamen hoc & relinquamus Belum suo loco; nec nisi id accipiamus, quod ab omni controversia remotum est, primum Babylonis imperasse Nimrodum: at constat porro è doctissimorum hominum & peculiariter summorum virorum dissentientium commentariis ad *vers. 11. c. 10. Genes.* Nimrodum condito Babylonis imperio in Assyriam transisse regnoque ibi condito sedem regiam Ninivæ collocasse; ut iidem viri clarissimi inter alia loca cum Bocharto probant ex *cap. 5. Michæ v. 6.* Babylonis, inquam, & Assyriæ regna eodem auctore iisdem temporibus condita esse divinus amanuensis testatur, cui consentaneum est utrique regno eandem esse aut exiguo intervallo distin-

C

stin-

stinctam antiquitatem; Quod si Babylonis igitur imperium Nimrodo principe plusquam mille sexcentis annis Cyrum anticipare probamus, tum & hoc cuivis non plane cæco in conspicuo erit, initiū Assyriorum in idem spatium se retro à Cyro extendere. Pro comprobanda autem Babylonici regni vetustate argumento nunc à nativitate Phaleci & dispersione gentium non tam utar, quam ut rationem adducendam ex earum rerum convenientia adfirmem. Babylonicum initium præbet nobis luculenta & inconcussa autoritate Callisthenes, cujus testimonium apud Simplicium vulgo notum ex Chaldæorum observationibus habet à tempore Alexandri ad initium Babyloniorum annos mille nongentos & tres; Sic enim de observationibus his loquens Simplicius αὐτὸς τίνας, in-

inquit, διηγείται ὁ Πορφύριος χιλίων ἑτῶν εἶναι καὶ ἐνεακοσίων τετῶν, μέχρι τῶν χρόνων Ἀλεξάνδρου τοῦ Μακεδονοῦ σωζομένης; quo loco miror Gerhardum Vossium in *Isag. Cronol. sacr.* perpetuo tribuere his observationibus annos mille nongentos nonag. tres. Huic inquā num. 1903. subducendi sunt ducenti & triginta anni, qui inter captam ab Alexandro Babylonem & initium Cyri intercedunt, ut sic à Cyro ad exordium Babylonis, quod aliud à Nimrodi regno esse nequit, supersint anni mille sexcenti & septuaginta tres, trecentisque & septendecim minus pro toto tempore Assyriorum.

§. 6. Hoc argumentum cum Clarissimi Viri novæ huic sententiæ minus cederent obesse, eodem modo nobiscum primo interpretati sunt; at cum postea vim

ejus attentius perspicerent, eoque jugulum peti opinionis suæ viderent, aliter respondendum censuerunt & gemino quidem medio; Nam Babylonis, ajunt, conditus & observationes siderum in illa regione ab eodem principio temporis deduci cur debent? Nempe Astrologi erant Babylonii priusquam esset Babylon. Volunt enim maximi Viri Babylonem esse recentiore, quam caput Chaldaeorum observationum est. Sed quæso? Erantne in regione Babylonica Astrologi priusquam congregatio hominum in terram Schinharis seu Babylonicam facta est, cujus Moses meminit? Vel an fingere licebit, tempore diluvii Philosophos aliquot Chaldaeos ad Euphratis fluentia delituisse & ibi siderum observationes continuasse? Non potuerunt, inquam, astronomicæ ob-

observationes fieri in terra Babylonis priusquam mortales ibi essent. Cum autem illi accederent post paulo Babylon ædificata est ait Moses diserte ; Calculum igitur observationum esse vetustiorum Babylone nisi paucissimis annis ἐκ τῶν ἀδυνατίων est. Sed placet jam porro Simplicii & Porphyrii & Callistehnis auctoritatem respuerē, quorum testimonium hæctenus à doctis elegantissime usurpatum erat ad reponendum aliquid eorum rationibus, qui ex profanis historiis Hebræam computationem evertere conantur ; nihil enim concinnius cum vulgari è sacris calculo excogitari potest quam luculentissimus hic Simplicii locus ; Adeo stare videtur sententia eruditissimis Viris nihil pro illustranda Scriptura è gentilibus quam ex Herodoti sacrario admittere. Sed Pli-

nus,ajunt,recentiorem observatio-
num memoriam ex Epigene & bre-
vissimam ex Berofo & Critodemo
collegit; quasi pugnent ea loca
semper, quorum unum plus dicit
alterum minus, & quasi diversæ
observationes à diversis initiis cœ-
ptæ esse non potuerint. Callisthe-
ni Philosopho gravissimo in dedita
urbe vi regię amicitię commenta-
rios Chaldæorum excutienti ac
inde consentanea sacris literis af-
firmanti, qui credere nolunt, ut
consensum ejus cum Ctesia impe-
diant; hi disputationis calori quam
veritati plus indulgere videntur.

§.7. Ita vidimus non modo exi-
tum Hebræorum ab Assyriis & Ni-
no multum superari, sed & pri-
mum eorum regem esse eundem
qui princeps dissipandarum gen-
tium p̄tmi in mundo regni à di-
vino Scriptore conditor celebra-
tur,

tur, quemque ipsi Scripturæ sacræ Interpretes facile annis mille sexcentis initium Cyri Persæ præcedere fatentur. Tum vero si Nimrodi ipsius ætas præcise definiri nequeat, ex astronomicis observationibus *ὀφθαλμοφανῶς* ostendimus, à Cyro ad conditum Babylonis elebi aonos mille sexcentos & septuaginti circiter, qui calculus tribus aut quatuor annis abest à computatione Ctesis Assyriaca. Fieri igitur non potest, quin verissime Ctesias Assyrica tempora descripserit, cum, ut dictum sæpius, Babylonis & Assyriæ initium, in eundem principem idemque tempus incidant. Quid tam perspicuis & necessariis rationibus pro contraria hypothesi sit reponendum, ego quidem non video, nisi forte, imperium Assyriorum velint post Nimrodum statim pessum ivisse,

& post multa demum sæcula videri à Nino instauratum: at hoc ut mere divinatorium ita minimè præsumendum est, nisi clare & exserte probetur. Quod cum certissimum sit fieri non posse, valent utique hæc argumenta. Nam quod sublatum non ostenditur cur stare prohibetur? Sed hæc omnia luculentius firmabuntur, si non modo à sacris literis non discedere, sed elegantissime earum veritati suffragari probentur. Quam disputationis partem in sequens caput reservabimus, qua de removenendis novæ opinionis objectionibus agetur.

DE ÆTATE
 ASSYRIORUM
 DISSERTATIO III.

*Qua communis sententia ab
 objectis vindicatur.*

IN hoc capite nihil prius agendum est, quam ut impactam huic opinioni notam, quod sacris literis adversetur, præposteram & refutatu facillimam ostendamus. Authoritatibus id non evincam, licet Chronologorum & Theologorum omnium hac in re consensum allegare, quibus sacris obloqui religio esset, vanum non foret. Mens objectionis est, Ctesiam & ejus sequaces Medis & Assyriis tot sæcula tribuere, ut iis in-

tra diluvium Noachi secundum
 Molis calculum idonea ratione lo-
 cus non reperiatur. Incidere enim
 Assyricum initium, si Ctesiam se-
 quimur, in annum fere à diluvio
 sexagesimum. Nam cum à dilu-
 vio ad Cyrum numeret sacer tex-
 tus, ut illi putant, annos mille se-
 ptingentos triginta quinque &
 Ctesias Medis simul ac Assyriis
 tribuat mille sexcentos septuaginta
 septem, nonnisi sexaginta anni ab
 Assyrica origine retro ad diluvium
 supersunt: quod non immerito illi
 ut absurdum traducere videntur,
 cum intra duas generationes ex
 octo hominibus arca egressis re-
 gnum nasci potuisse veri non sit
 simile.

§. 2. Sed hic primo velim sci-
 re, an eos qui ex ipso textu He-
 bræo plures quam mille septin-
 gentos triginta quinque annos à
 dilu-

diluvio ad Cyrum numerant spiritui sancto putent adversari & an non diversæ hac de re doctissimorum hominum sententiæ dudum fuerint, quarum quædam à multis ut vulgata veriores sint receptæ; etsi, quam vulgarem appellare, debeam nescio, cum vix ullam in mundo putem esse quæstionem minus decisam quam quæ est de ætate mundi. Sed non petam iniquum ut æquum obtineam. Petavium, qui triginta quatuor annos plures inter Cyrum & diluvium habet quam in hac objectione supponitur, ne quem Jesuitæ nomen offendat, non adducam; Utar authoritate ejus quem minime dissentientes rejicient, quem primum suæ opinionis auctorem laudant, qui Herodotum veritatis Ctesiam mendacii parentem vocat, ipsorum patroni, nostri in
hac

hac causa adversarii Viri multo editissimi *Vsserii Armachani*. Hic inter diluvium & Cyri principium agnoscit & comprobat luculenter è sacro textu annos mille septingentos & nonaginta ; unde si tu subducas quos antea Ctesiam Medis ac Assyriis annos tribuisse audivimus, supersunt inter diluvium & originem Assyricam anni *centum atque tredecim*, qui an suffecerint ad regnum aliquod in mundo constituendum judicent illi qui tredecim annis antea, dissipationem mortalium in varias orbis partes factam fuisse, velint nolint fateri coguntur, cum anno centesimo post diluvium natus sit Phaleg, cui nomen à divisione terrarum inditum; Judices, inquam, summos viros, adversarios non recuso, quos id omni studio agere video, ut tantam uno sæculo multiplicationem hominum, quæ

quæ divisioni orbis responderet fieri potuisse & factam esse probent, me non repugnante; modo nimis acuti Censores tunc ut scripturæ sacræ adversantes non traducant, qui tredecim post annis imperium aliquod nasci potuisse credunt; quanquam si sexaginta Ctesiaë annos ultra mille trecentos cum reliquis omnibus antiquis omittamus, non jam tredecim sed tribus & septuaginta post dispersionem annis Assyriam regnari cœpisse fuerit dicendum; quæ sententia quam absurditatem contineat velim vehementer maximi viri me doceant: Sed ut primo omnium, quod efugere non possunt, veteres & modernos omnes Theologos violatæ reos scripturæ peragant, qui nativitatem Phaleci & dispersionem gentium conjunxerunt.

§. 3. Quod si nos iis defendere-

remus, quæ incomparabilis Vir *Iohannes Gerhardus Vossius*, de Cronologia sacra gravissime, salva Hebraici textus divinitate, disputavit, neminem adeo iniquum fore puto, qui vel aperte contra rationem doceri, vel sanctimoniam scripturæ violari à nobis contenderet. Atqui summus ille Vir ducentos plus annos à diluvio ad Cyrum, probat effluxisse, quam is qui nobis objicitur calculus continet, idque sine subsidio τῶν ἐβδομήκοντα aut ullius barbaræ Chronologiæ, rationibus tantum è sacro & quidem Hebraico fonte depromptis & summorum interpretum testimonio suffultis, atque illa si subsistant tum trecenti vel quadringenti inter diluvium & Assyriorum initium anni intercesserunt. Id sane liquet, cum tam discrepantes sint clarissimorum hominum ex Hebraicis literis computa-

putationes, esse hanc quorundam, inhumanitatem, qui sententiam omnibus sæculis receptam, vulgariori quorundam computationi forte minus congruam, adversari scripturæ sacræ & subruere veritatem Hebræam criminantur. Multo illi eruditius cum aliis prudentioribus hoc argumentum adversariis Hebræorum eriperent, nec Mosis aut ipsis contrariari ostenderent; uti factu proclive & facillimum est, modo quorundam obscuras computationes pro indubitata scripturæ sacræ sententia, quo absurdius nihil est, obtrudere non satagamus.

§. 4. Porro ut reges Assyrii tanquam nimis vetusti exterminarentur opus erat arcessere & stabilire ad eorum necem dynastas multo, si dis placet, vetustiores, Chaldæos & Arabas, quos Julius Africanus
apud

apud Eusebium λόγῳ πρώτῳ scribit ante Belum annis quadringentis & quadraginta Babylonis regnum tenuisse; quod si credendum sit, tunc longe ultra diluvium historia Babylonis fuerit extendenda; sed cum hoc sit absurdum, eò nos Viri summi putant redactos, ut Assyricum tempus ad ipsorum numeros cogamur coarctare: At nefas videri volunt Chaldæis istis & Arabibus cum eruditis omnibus & novissime cum Petavio & Gerhardo Vossio fidem negare, libertatemque quam ipsi contra omnium sententiam in recentiori historia sumunt aliis in vetustioribus narratis invident. Sed nullis aliunde opus est argumentis ad evertendam traditionem quæ se ipsam ultro jugulat. Primus Chaldæorum istorum rex fertur esse Euechous, ὁ παρ' ἡμῶν Νεμρὸς δ', ait ipse Africanus, id est, *quem*

Disp. IV. *Resp.* JOH. ALTHUSIUS,
quem nostri Nemrodum appellant.
Primus, inquam, horum dynastarum est Nemrod; quod si falsum ostendamus, tunc omnis hic catalogus haud dubie perit; nam si principio reges hi caruerint quis continuationem & successionem eorum adstruet? Sed sive receptum Assyriæ calculum sequaris seu novam opinionem amplectare, nihil falsius est quam Nimrodum inter hos Arabas aut Chaldæos dynastas nedum primum fuisse. Si enim communi sententiæ insistas, multum iste Euechous supra diluvium, quod absurdum est, adscendet: si novæ, tunc Nemrod ille Euechous in annum fere *millesimum & centesimum* ante Cyrum incurret, siquidem Sardanapali casus sesquisæculo circiter eundem Cyrum præcedat, ut novissimi dissentientium volunt; atqui mille & centum

D

an.

annis ante Cyrum Isaacus patriarcha jam senex erat; & si maxime altero adhuc sesquisæculo Euechoum protendamus, in id tempus quo maxime floruit Abrahamus incidere eum oportet; quo tamen nemo sanus, opinor, dixerit, Nimrodum Babyloniis cœpisse dominari & ædificasse turrim & gentes esse dispersas; quæ necessario ex inconsulta hac Chronologia sequuntur; adeo pensi nihil habent, quo genere armorum utantur qui victoriam sperare non possunt. Censeo non dicent Africanum mentiri, Euechoum esse Nimrodum, quod facile erat dictu; Sic enim contra rem suam niterentur, cum testimonio & fide Africani (de Berofo enim, qui jaçtatur, nihil hætenus extat) stet omne hoc argumentum. Nec negant sane; quin & Chomasbolum Euechoi successorem

forem inculcant nobis, Chusum videri esse Nemrodi patrem, cui filius in Assyriam abiturians regno cesserit; quam nos explicationem (licet alias *Σαῦμα ῥήματ* videri posset) lubenter admittimus, ut liqueat non negari Euechoum esse Nimrodum, & opinionis hujus inutilitas magis elucescat.

§. 5. Sed jam periculum est, ne prorsus omnis gentilium autoritas in vetustioribus rebus evanescat, quia scribunt ante Ninum plerisque populos monarchas & quidem potentes habuisse. Mihi quinam ante Ninum potentiam Monarcharum determinent scriptores præter Justinum non constat. Quod peculiariter discere velim ubi sit à Ctesia scriptum, ut discrete affirmari video. Diodorus qui Asiæ vetustatem è Ctesia scribit expresse ait, Ninum historiæ pri-

D 2

mum

mum fuisse cognitum, ante illum
 reges fuisse ἐγχεύεις, ὧν ἔτε περι-
 ξεις Ἰππιοῖσι ἔτε ὀνόματα μνημονεύε-
 ραι, reges fuisse, ait, terra filios, nec
 nominibus neque rebus gestis cognitos.
 Nihil penitus Ctesia reliquisque
 Ethnicis de antiquioribus Nino re-
 bus constabat, nec aliter præ se
 tulerunt, sed in ulterioribus rebus
 χάρις εἶναι καὶ ζόφῳ crediderunt. Æ-
 gyptiacæ antiquitates nihil cum
 Ctesia aut his quæstionibus habent
 commune, neque ex Græcis scri-
 ptoribus sed Ægyptiorum sacerdo-
 tum ore scribunt eas Herodotus
 & Diodorus. Quod Justinus de
 Tanao & Sesostris narrat, merito in
 disput. primâ & cum ratione rejeci-
 mus, nec hoc reliquæ antiquitatis
 præjudicio imputandum est. In-
 scitia in iis rebus quas citra scri-
 pturæ sacræ subsidium scire aut
 indagare non poterant, à sanis ho-
 mi-

minibus ad enervandam sequentium temporum historiam gentilibus exprobrari non debet.

§. 6. Verum fortius illud argumentum videtur, quod ex sacra illorum temporum historia, quæ nostræ Assyriorum ætati æqualia sunt, desumitur, *Abrahami tempore Amraphel fuit rex Sennaar, qui non parebat Assyriis; nam cum aliis regibus imo in gratiam Cedorlaomor regis Elami adversus Pentapolitanos bellum iniivit, nulla habita ratione regis Assyriae; Iudicū quoque & Davidis tempore Syria & vicina Israëlitis gentes non parebant Assyriis, adeo ut nesciant qui hæc adducunt, ubi Ninum Monarcham Asia collocare debeant.* Sed viderint doctissimi Viri, ne sic ipse Herodotus periculum adeat; Nam quinque ejus sæcula, quocunque utantur calculo, in tempora judicum incidunt; quod si tunc Assyrii rerum non sint potiti, ut He-

Herodotus ipse affirmat, nec Davidis quoque aut Salomonis ætate, oportet uno alteroque sæculo Herodotum castrari. Atque ita hæc objectio elegantissime sese habet, cum non mendacissimum modo Cresiam sed veracissimum quoque Herodotum evertat. Quod rem ipsam attinet, inprimis miror adeo cæcutiisse Ebræum Josephum, ut vim luculentissimi hujus argumenti non perspexerit, sed expeditionem illam Abrahami contra regem Sennaar cum sociis describens tamen diserte dixerit rerum tunc per Asiam potitos fuisse Assyrios, quem locum *disput. prima* exhibuimus. Prorsus nihil est quod impediatur illos reges in clientela Assyriorum vel tributo fuisse obnoxios, quod peculiariter de rege Elam live Armeniæ testatur Diodorus *l. 2. in princip.* nec multum

tum refragabimur, si quis contendat inertia & imbellia regum Nini successorum multas se nationes subinde eorum obsequio subtraxisse, adeo ut non raro exiguam Asiæ partem obtinuerint, quomodo posset explicari Dionysius Halicarnassæus *libro 1. antiquit. Assyriis* paruam Asiæ portionem adtribuens, alioqui nec cum Ctesia neque Herodoto & notissima veritate consentiens. Huc pertinent verba Scaligeri *l. 3. can. Isag. Quare illud imperium clarius est origine & vetustate sua quam amplitudine, quam non semper integram perpetuavit: quæ initio quidem immensa fuit, postea per subditarum nationum defectiones in multas quasi lacinias divulsum est, regibus Assyriorum in luxum solutis, & quidvis potius quam arma & salutem regni sui meditantibus.* Quod si Ctesias dissi-

mulaverit, tribuamus hoc hominis vanitati, quod magnificentiora omnia videri voluerit.

§. 7. Postremo iterum ad Ctesiae mendacia, de quibus & nos diximus, devolvuntur, quem ut à vanitate, inquam & κακοῦθείᾳ non excusamus, ita nec in iis ubi τὸ παθητικόν καὶ δεγματικόν locum non habet temere & sine causa mentitum credimus, quod nec Plutarchus toties cum insectatus, ut antea dictum, credidit. Et peculiariter quæ à summis Viris ei objiciuntur, non æque omnia esse conficta putemus. Quanquam necesse non est, ut ea pro sustinenda hac sententia nos defendenda suscipiamus, cum ab unius mendacii argumento ad everisionem omnium rerum nemo ratiocinari possit. Sed quæ illa sint audiamus: *Ninum* ajunt *condidit* *ubi nunquam fuit*, ad Euphratem
sci-

scilicet. Atqui fuit etiam Ninus
 urbs ad Euphratem, quam veterem
 Ninum fuisse appellatam E-
 gregius [Bochartus nemine con-
 tradicente docuit; & Phi-
 lostratus *libro 1. cap. 13.* scribit A-
 pollonium Antiochia in Mesopo-
 ramiam proficiscentem primo Ni-
 num veterem necessario ad Eu-
 phratem appulisse, quod ab Am-
 miano confirmatum ipsi dissen-
 tientes agnoscunt; nec profecto
 qui Ctesias situm locorum, in
 quibus septendecim annis versatus
 est, ignorare potuerit intelligo,
 nec quæ causa mentiendi hic ex-
 cogitari possit, video. Sed aliud
 crimen, *eandem destruxit cum ve-*
ra Ninus in summo flore esset. Si
 duplex fuerit Ninus, una ad Eu-
 phraten & ad Tygrim altera, ut ex-
 tra controversiam est, fieri qui-
 dem potuit, ut hac destructa illa

adhuc floreret ; sed quis scripsit cum caderet Sardanapalus floruisse urbem Ninum , cum præter Ctesiam illa tempora nemo signate attigerit ? Constat quidem annis postea multis steterisse adhuc Niniven, sed quid impedit instauratam fuisse, ut hodie Romam toties everfam stare scimus ? Sed pergit mentiri Ctesias, *Semiramis condidisse Babylonem, quam nunquã in potestate habuit*, de conditu primævo quem Nimrod sibi vindicat, taceo ; quanquam is non proprius Ctesia sed omnibus antiquis error est communis. Sed quid ? Babylonem nunquam in potestate habuit Semiramis ? quid tandem credere licebit , si & historiæ Pater ille Herodotus sit falsus, qui Semiramis Babylonis reginam tam diserte *libro 1.* commemorat ? Imo & reliqui veteres qui ædificationem & amplificationem Babylonis

bylonis quam fecit Semiramis pro
 conditu acceperunt, omnes uno ore
 clamant fuisse eam Babylonis re-
 ginam. Sunt autem illi præter
 Diodorum, Ctesiam & alios Vel-
 lejus *l. 1. c. 6.* Strabo *l. 16.* Mela
l. 1. c. 11. Justinus *l. 1. c. 2.* Plutarch.
de fortitud. Alex. orat. 2. Solinus
cap. 56. quorum omnium loca de-
 scribere nihil huc attinet. Qui rem
 adeo claram pro confesso menda-
 cio traducunt, his minime succen-
 sendum est, quod figmentum vo-
 cent *Ninum mille annis & amplius*
Troja casu esse antiquiorem; quo ni-
 hil esse verius tota hac disputatio-
 ne patescit. Quod vero *Ninum an-*
te conditam Babylonem iniperasse
 scribit Ctesias, hoc omnes qui Sa-
 miramidi Babylonis tribuunt stru-
 cturam, sentiunt; quem facilem
 & excusabilem esse errorem supe-
 riori disputatione ostendimus.

DE ÆTATE
 ASSYRIORUM
 DISSERTATIO IV.

Qua contraria opinio refutatur.

SEd videamus, quid nunc tandem certi pro Ctesia & reliquorum mendaciis magni viri contrariae opinionis patroni studiosis historiae offerant. Nam si vetusta & recepta satis est evertisse, pessime cum omni genere doctrinarum erit comparatum. Si verum est, quod ingenue profitentur, se nescire ubi Ninum Monarcham Asiae collocare debeant, itidemque certum, quod fiden-
 ter

ter afferunt, nihil veri in universa narratione recepta contineri, sed mendacissimorum scriptorum & vanissimorum hominum nugamenta esse, valde vereor ut unum verbum de Assyriis, quod ad civilem historiam pertineat, proferre possint. Herodotus certe, in quo proram & puppim hujus doctrinae collocant, nihil prorsus habet, non principium Assyriorum, non finem, non primum, non ultimum regem. Ninum semel nominat in historia Lydorum, sed nominat tantum, nec quidem Assyriae regem fuisse dicit. Sardapalum uno quoque loco memorat sed ut vetustum aliquem & vix notum de nomine regem. Atq; hoc est quod ab initio diximus, tantum id viros maximos agere, ut omne nomen Assyricum deleant, nec tam illustrent & in ordinem redigant

digant quam evertant primam nec ignobilem historiæ partem.

§. 2. Quando huc tamen deventum est, videamus unicam & uberrimam eorum aurifodinam, ac quod erui inde potest, investigemus. Est ea in Herodoti libro 1. ubi Medorum res enarrans auctor, ait illos defecisse ab *Assyriis cum hi annis quingentis & viginti imperium obtinuissent*; eam rem non data operta tractans sed obiter & perfunctorie attingens. Marshammi emendatione, qui unius literulæ mutatione mille annos Herodoti numero inserit, uti non auisim, cum vetustius mendum esse Diodori ætate, qui textum uti nunc habet legit, probari vix possit. Verum quicquid hac de re sit, nobis Ctesix omnisque antiquitatis traditiones, sacris literis, observationibus astronomicis totique

tique veterum Chronologiæ consentaneæ, Ninumque Sardanapalum & Cyrum aptissime connectentes, unius Herodoti obscurissimæ authoritati præferendæ omnino videntur. Obscurum ejus testimonium dico, cum, quod *ὡς ἐν παραδόξῳ* saltem Assyricam ætatem adjiciat, tum quod, ut dixi, nec principium, neque finem designet, quoniam ista quinque sæcula cum reliquis temporibus non conjungit, nec spatium inter defectionem Medorum & initium Dejocis primi regis exprimit, ita ut Assyricum tempus à reliqua historia fædo hiatu maneat divulsum. Nec possunt scire ipsi dissentientes ex hoc loco quamdiu in imperio Assyrii duraverint. Non enim dicit finitum esse imperium Herodotus, sed à subjectis gentibus destitutum; quin multo post initium Dejocis Phraor.

Phraortem adhuc Medorum regem cum ingenti exercitu deletum ab Assyriis fuisse testatur, donec tandem expugnata fuit Ninus quadraginta circiter annis ante initium Cyri. Sed quantum hæc urbis clades à defectione sociarum gentium distet, accuratè quidem nisi divinando interpretes ejus assequi nequeunt. Credunt tamen & ponunt defecisse Medos aliquandudum, viginti circiter annis ante initium Nabonassaris & regnum Babyloniorum, id est, *ducentis fere & decem* annis ante exordium Cyri in Persis. Cui postulato nihil nos refragabimur, cum & narratio Herodoti de gentibus aliis Medos secutis & lenta apud hos reipublicæ mutatione intervallum non modicum flagitet, nec etiam Nini ætas in Chronologia Lydorum quam habet

Disp. V. *Resp.* IOH. ALTHUSIUS,
bet in *principio ejusdem libri* ab hoc
calculo sit aliena. Sed cum mira-
ri licebit, in id ipsum tempus hanc
memorabilem Assyrici regni stra-
gem ab Herodoto referri; quo
prima in sacris regum Assyriorum
mentio fieri cœpit, & à quo tem-
pore non desierunt horrendis ex-
peditionibus Asiam omnem ad ul-
timam usque Palæstinam & Ægy-
ptum omni genere cladis vastare,
donec immanes Sennacheribi ex-
ercitus, in Ægypto & Judæa di-
vinitus prosternerentur. Primum,
inquam, Assyrici regis nomen in
sacris memoratur Pulis, qui *ducen-*
tis & decem fere annis ante Cy-
rum vexavit Israëlem, quem po-
stea brevissimis spatiis Tiglatphul-
asser, Salmanasser & Senna-
cherib exceperunt. Quid de hoc
Herodoti cum sacris literis con-
sensu magni viri existiment præ-
E stola.

stolabimur. Nos Assyriorum res cum ignorasse non dubitamus, qui, qua tempestate omnium potentissimi bellisque longinquis clari in sacris celebrantur, cunctarum eos gentium defectionibus destitutos fuisse scripsit. Plane existimamus veriore multo esse magni Scaligeri sententiam, quam habet *libro 3. can. Isag. pag. 314.* crebras sane his temporibus fuisse defectiones per Asiam, sed non ab Assyriis verum à Medis, quod Herodotum longinquas narrationes sequentem fefellit, Assyricos motus passive quomodo loqui liceat (cum debuisset active) accipientem.

§. 3. Quid alioquin Herodoto præ Ctesia sit tribuendum, præ Luciano, qui utrumque ob mendacia in inferno puniri finxit Plutarchus optime judicaverit, qui

qui, uti Ctesiam sentit τὸ δεγματικόν καὶ μυθῶδες non raro affectare, sic περὶ κακοηθείας Ἡροδότου, ut dicere occupavi, totum etiam librum composuit, cujus capita, perinde ac in Ctesiae invidiam factum, possem hic congerere, si tam alienis mendaciis quam propriis rationibus tueri communem sententiam curæ haberem. Sed Herodotus, ajunt, vetustior Ctesia cæterisque veterum fuit, ideoque accuratiorem antiquitatum cognitionem habere potuit; & profecto, si de numero militum quos Xerxes in Græciam duxit aut navium quas Athenienses ad Salaminem habuere, disputaretur, non nihil forte momenti hæc ratio meretur; nunc quid annorum quadraginta discrimen, quibus Herodotus Ctesiam præcessit, in vetustate sesquimille annorum ad rem con-

ferre possit ego non video , nec quisquam prudens dixerit , & si quid hoc prærogativæ , quanquam vix ac nec vix quidem possit, Herodoto dare videatur, id abunde Ctesias compensat eo, quod magnum ævi spatium in Perside & Assyria transegerit, cum nec Herodotus iis in locis fuisse unquam legatur ; unde facilius in illarum gentium originibus vagis & fallacibus imperitorum relationibus fuit obnoxius ; cum Ctesias regiones etiam annales viderit , quos longe res Persarum superasse restatur sæpe Diodorus , cum ex iis etiam Medorum reges enarrat.

§. 4. At ne solus ambulare Herodotus videretur , magis ad numerum credo explendum , quàm ut ille juvaretur, quædam aliorum testimonia accefferunt, quorum primum est Theophili apud Laetan-

stantium libro 1. de falsa religione; ubi Thalam ait, docere, Belum quem Babylonii & Assyrii colunt antiquiorem esse bello Trojano annis trecentis viginti duobus, secundum quem calculum idem Belus & Assyriorum initium, Cyro esset vetustius annis nongentis quadraginta sex. Ad quam collectionem respondeo, nihil facere hunc locum ad confirmationem Herodoti, cujus calculus ad minimum ducentis & octodecim annis recentior est, ut eum dissentientes ipsi inducunt. Deinde non videtur hic fuisse Belus Nini Pater aut Antecessor, sed alius junior Nino, de quo Illustris Salmasius ad Solinum pag. 87. docet, Johannem Antiochensem *πρὸς ἀρχαιολογίας* scribere Thuram regem post Ninum Assyriis imperasse, quem *Belum* seu Arcum nominarint ar-

que ut numen coluerint, cuius & Suidas in voce *Thouras* meminit & Areum Africanus quoque post Ninum commemorat. Diversos fuisse Belos etiam magnus Scaliger putavit *libro 6. emend. sem.* aliumquod Beel vel Baal, alium Bel dictum Orientalibus.

§. 5. Sed Porphyrius, objiciunt, apud Scaligerum ex Sanchoniatone Semiramidem Trojanis temporibus æqualem vel paulo superiorem fuisse refert. Imo non ex Scaligero sed ex se id refert Porphyrius jure ob id à Scaligero reprehensus & *absurdissimi seque indignissimi erroris* convictus. Idem argumentum ex Herodoto proferri potuisset, qui suam Semiramidem quinque ætatibus superiorem facit Nitocride, quam vixisse ait post captamà Medis Ninon, paulo ante ætatem Cyri, quod nos eadem

dem ratione refutabimus, qua modo Herodoti testimonium fregimus. Dici quoque posset non unam ejusdem nominis fuisse Semiramidem. Quidam olim Atossam Assyricam cum Semiramide confuderunt, ut est in Cononis *narratione* 50. apud Photium *Cod.* 186.

§.6. Aliud est ex Macrobiani *libro* 7. *in somn. Scip.* ubi ille à suo tempore ad Ninum, cujus filiam facit Semiramidem, duo millia annorum putat. Jam cum nongentis & quinquaginta annis post Cyrum Macrobius circiter floruerit, adeoque Ninum longe ultra mille annos ante Cyrum removeat, quid dissentientes (qui vix ultra septingentos) hic locus juvet, non video. Accedit quod ille non præcise bis mille annos dicat, sed *ultra*, quod in longum potest extendi, præsertim cum non Chro-

nologicce hunc locum sed perfun-
ctorie tractet, cui rei pinguis & ro-
runda computatio sufficere visa
est. Quod Semiramidem Nini fi-
liam dixit, idem cum Conone
sensit apud Photium Cod. 186. qui
Σεμίραμιν ἔχει γυναικα κατὰ τὸν
ἀλλὰς Φησὶ Νίνης γενέσθαι, ἀδελφύτης
ἐξ, non conjugem Nini secundum,
alios Samiramin fuisse, ut filiam;
sed erronee, ut notat Photius.

§. 7. Ex his nullus est, qui cum
Herodoto novaque sententia con-
veniat, nec fere qui longins à nobis
quam ipsis dissentientibus absit. Sed
Usserius unum invenit, qui He-
rodotum exanimam sequeretur
Appianum Alexandrinum, qui in
præfat. operum Assyriorum, Medo-
rum, Persarum τελευτῶν τῶνδε μεγίστων
ἡγεμονικῶν, trium maximorum impe-
riorum, inquit, ἔστι αὖ ὁ χρόνος
ἐφ' ᾧ οὗτο ἔγενετο τῶν ἐπ' αὐτοῖς ἐσθλῶν, eorum
tem-

tempora vix ad nongentos annos adscenderent. Nam si Persis ducentos & triginta, Medis centum, quinquaginta, Assyriis quingentos viginti tribuat, exacte nongentos colligit, omnia secundum Herodotum. Nec obscurum est, cur hanc omnium minimam computationem elegerit, quando ex tota illa præfatione liquet magis eum oratorem in hac parte quam historicum agere. Scopus enim ejus est *ἔξοχῳ* excellentiam imperii Romani præ aliis omnibus ostendere, non tantum à potentia & magnitudine sed à temporis etiam diuturnitate, ut nonnihil & hac ratione ad admirationem principis populi conferret; velut alius in præfatione sua historicus loquitur, qui & ipse orator simul ac historicus est. Appianus igitur ut instituto velificaretur, maluit Herodo-

tum Assyrica tempora in arctum contrahentem, quam reliquos solis Assyriis plus quam Romanis tribuentes, sequi. Sed ita nullum veritati præjudicium creatur.

DE REGNO
MEDORUM

DISSERTATIO V.

§. I.

Disputationi de Assyriorum temporibus conjuncta est de Medorum regno dubitatio, mota ab iisdem, qui Assyrica impugnarunt maximis viris; quæ nisi commode eximatur, actum erit de connectendo tempore

re Assyriorum cum sequente historia, nihilque de fine Sardanapali principioque Nini constitui poterit. Hunc scrupulum nobis iidem Ctesias & Herodotus eò dissensu reliquerunt, ut alterutrum certe fallere vel falsum esse oporteat. Et quidem Ctesiam, cum ex regiis Persarum membranis suas de Medis quoque traditiones excerptas profiteatur, mentiri, siquidem vera non loquatur, necesse est; quando per imprudentiam malitiamque aliorum, quod Herodoto forte contigit, tanto instructus subsidio labi non potuit. Nos cum primo dissensum ipsum exhibuerimus, conciliationes quibus nonnulli contrarietatem tollere satagunt, examinabimus, tunc utra videatur alteri præferenda opinio disceptaturi.

§. 2. Narrat Ctesias & ex eo
Dio-

Diodorus *libo 2. cap. 32.* cum Sardanapalus post triplicem victoriam clade repentina oppressus & post biennalem obsidionem cum suis se combussisset, Arbacen creatum fuisse regem & Belesin Astrologum Babylonis præfectum, sub fide tamen Arbacis; atque ita res Medorum ad tempus usque Cyri sub novem stetisse regibus; annos autem ab Arbacis initio usque ad Cyaxaris penultimi regis finem recenset ducentos octuaginta duos, sed Apandan quem Altyagen interpretatur quot annis regnaverit non expressit, quos ideo ad triginta quinque ex Herodoto potius quam ad quadraginta ex Africano; licet hunc Ubbo Emmius in Chronologia sequatur; supplebimus, ut omnino Medi sint regnati per annos septendecim supra trecentos; à quo numero quod a-
beat

beat Justinus nihil nos moratur, quia in temporis ratione, si forte corrupti non sint numeri, auctoris ejus incuria multis argumentis perspecta est. Alia vero ab his omnia refert in *libro primo* Herodotus; Medos cum ab Assyriis defecissent in libertate sine ullo rege per multis annis vixisse, donec Dejoces justitiæ artibus insignis civili astu favorem populi consecutus rex omnium consensu crearetur, qui primo cœperit vicinos subigere, donec tres reliqui Phraortes, Cyaxares & Astyages everfa Nino summum in Asia imperium consequerentur. Ab utroque in diversa abit Eusebius, qui ab Arbace ad Astyagen octo reges per annos ducentos quinquaginta novem Medis præ fuisse scribit, quanquam in Latina Hieronymus versione sententiam Herodoti in transitu referat.

Sed

Sed Eusebium annos Medorum corrupisse etiam Scaliger notavit, & sane cum Ctesiam in prioribus quatuor regibus sequi videatur, quod Sotarmum secundo loco ponat omisso Maudauce excusari non potest. Africanus sane apud Scaligerum *libro 2. canon. Isagog.* Ctesiam exacte descripsit, quemadmodum & Vellejus cæterique antiquorum non secus ac in Assyricis eundem Herodoto præferunt.

§. 3. Hæc autem discrepantia cum adeo sit conspicua, ut nullæ res æque sibi mutuo contrariari possint, miror tamen duos celebres Chronologos Funcium & Calvisium in conjunctione harum sententiarum tam evidenter impigisse. Nam Funcius *libro 1. commentar. Chronolog.* à Dejoce ad Astyagen usque, Herodotum secutus,

tus, ut prioribus etiam quinque regibus à Ctesia nominatis locum faciat, ait eos non tam fuisse reges quam dynastas vel præfectos ab Assyriis regendæ provinciæ missos, primum autem defecisse regemque se dici voluisse Dejocem eodem fere tempore, quo Mero-dachus Babylonis ad defectionem pellectis jure regio cœperit imperare. Quæ sententia totidem errores quot verba continet, Nam quod de præfectis in Mediam dicit missis tam Ctesia quam Herodoto quem laudat, diserte adversatur. Ille enim jure optimo reges scribit imperasse Medis, alter eos fuisse *αυτονόμους πάντας ἀνὰ τὴν ἡπειρον* testatur, omnes fuisse liberos & sui juris per omnes provincias excusso penitus jugo Assyriorum, *τὰς δὲ πόλεις καθ' ἑαυτὰς διατάσσοντας διοικῆσαι δημοκρατικῶς*, civitates quasi

quasque separatim populari imperio fuisse administratas, ut ex Herodoti sententia Diodorus ait *libro 2. cap. 32.* præterea & hoc falsissimum est, Merodachum Babylonis regnasse primum, cum is quintus à Nabonassare primo rege, quod ex Ptolomæi canone docemur, fuerit.

§. 4. Nihilo felicior in conjungendis his traditionibus est Calvisius, qui ad annum mundi MDCCXVIII, cum Medorum regno tredecim atque trecentos annos tribuisset, ut eos conficeret simulque Herodotum & Ctesiam conjungeret, primos quinque reges ex Ctesia, posteriores quatuor ex Herodoto recenset & Arabianus quinto regi Dejocem primum apud Herodotum subjicit, cum juxta Ctesiam Arsæus sit secutus. Verum cum Dejocis initium juxta
Hero-

Disp. VI. *Resp.* JOH. ALTHUSIUS,
Herodoti calculum incideret in
medium Arbianis apud Ctesiam
regnum, nec proinde hujus finis
cum initio alterius connecti pos-
set, rem ausus est, nisi forsan
corrupto codice deceptus, tanto
viro indignam. Articæ enim sive
Artiæ quarto regi, quem Ctesias
annis quinquaginta regnasse scribit
totos octodecim annos detraxit re-
gnoque ejus tantum triginta duos
adtribuit, atque ita Arbianem non
difficulter eodem tempore mori fe-
cit, quo Herodotus cœpisse De-
jocem testatur; quod non est con-
jungere sed confundere tempora
& labefactare historiarum fidem.
Etiam hoc peccavit, quod minus
quatuor annos quam oportebat
tribuerit Medis, nullum quidem au-
ctorem sed præposteram conjun-
ctionem suam secutus.

§. 5. Desperata igitur conjun-
F ctione

Etione harum sententiarum, videamus utri major adhibenda sit fides. Qua de re magnus Scaliger libro 3. canon. Isag. parte 2. ad verba IV. Dynastia Med. ita loquitur. Medorum reges & annos ordine exponit Diodorus Siculus, ita ut Regum aut annorum numerum aliam ab hoc statuere hoc sit insanire, quum & numerum Regum & annos ipsos conceptos haberent διφθέρας seu κεφαλίδες Persicæ, in quibus omnes Reges & gesta tam Medorum quam Persarum perscribi solita perhibet Diodorus. Itaque ab illis discedere est historiæ præscribere. Et quoniam profecto Assyrica tempora nulla ratione cum olympiadum æra, nisi per quinque reges ante Dejoce[m] connecti possunt, dubium non est, quin multo sit commodior historiæ studiosis Ctesiae quam Herodoti sententia, cum illa unam &

con-

continuum gestarum rerum seriem exhibeat, hæc primam & nobilem earum partem velut in alto destitutam & inaccessis undique spatiis præcisam tenebris & ignorationi exponat. Illud utique negaturum neminem puto, quin validas expectare machinas debeamus, priusquam adeo utilem & salubrem sentiam patiamur expugnatam videri. Nos equidem non tam ob hanc potissimum commoditatem, quam quod reuera ita simus persuasi aperte cum antiquis & recentioribus plerisque in castra Diodori & Ctesia transibimus. Venire autem in quæstionem censemus interval- lum ab Arbacis initio usque ad Dejoceum Herodoti; id est primam & paulo plusquam dimidiam partem annorum septendecim & trecentorum, quibus omnino Medos floruisse credimus. Nam quæ

posthæc narrat Herodotus, nihil vetat quominus cum Ctesia & ipsa veritate conveniant. Nam & tempora quatuor illorum regum posteriorum, parum abest quin consentiant, nec res gestæ mutuo pugnant, & quod nomina sint diversa frequens id esse apud Barbaros notissimum est & à Strabone in *fine libri 16.* notatum; certe Apandanem fuisse eum quem Græci Astyagen dixerunt ipse Diodorus affirmat, & Astybarem esse Cyaxaren notum etiam vulgo habetur.

§. 6. Sed priores, -inquam, Herodoti traditiones vehementer ad fabularum similitudinem accedere videntur; Præterquam enim quod defectiones subditarum Assyriis gentium, quod caput est harum de Medis narrationum, cum sacrarum literarum fide consistere non possint,

possint, ut superiori disputatione ostendimus, neminem porro hæc Medica Herodoti lecturum credo, qui se non quodammodo in aureo Poëtarum sæculo & beatis Heroum temporibus versari putet. Medos, ait, excusso Assyriorum imperio per vicos sparsim habitasse, neutiquam una conjunctos republ. sed suo quemque pagum arbitratu se gubernasse, Judicibus saltem controversiarum utentes; quos inter cum æquitatis observantia excelleret quidam Dejoces ad hunc non sui tantum homines vici sed sensim quoque vicinos & plerosque Medorum affluxisse, qui tandem viri virtutem admirati & astu ejus circumventi communi ad eum consensu regnum detulerunt, perinde ac olim prisca mortales Heroibus suis regna largiebantur. Si hæc narrata sublestem

fidem suam ultro lectori non produnt, considerabimus paulo propius singula, & primo *sparsos ais habitasse per vicos*, postquam strenue cum Assyriis pro libertate pugnaverant. Mirum est, nisi Assyrios internecione deleverint, per quos tam secure plurimis annis agere ipsis licuerit; at vero cum tam potentes per illa tempora fuerint Assyrii, ut Ægyptios & Israëlitas innumeris copiis infestare potuerint, quod in sacris legimus, quis falsum esse non videt Medos eorum vicinos & rebelles secure vicos incoluisse agrestes? Præsertim cum *sua quisque pagus Republica uteretur*. Quid posset alienius ab omni similitudine veri excogitari? Deficere à dominis suis, bellum pati continuum (nam aliter fieri non potuit tam validis istis) potentes habere & implacabiles hostes

hostes, ac interim distrahere vires suas, quæ non modo continendæ, sed externis etiam fœderibus augendæ erant; ut in omnibus sit violentis revolutionibus. Præterea non reges aut belli duces sed *qui res judicarent homines sibi præfecerunt*. Scilicet, quo pacto se res Asiæ hac tempestate habuerint Herodotus ignorabat, adeoque Medos in alta pace vixisse aut finxit aut sane fingentibus credidit; quod tamen necessario esse falsum è sacris, ut dixi, literis abunde patet. Nam ultima Sennacheribi expeditio illa immanis in id fere tempus incidit, quo Herodotus electionem Dejocis à Medis agitatum esse scribit, & annis quinquaginta retro florentissimi Assyriæ reges bellisq; clari in iisdem sacris memorantur. Eos fuisse passuros, ut Medi rebelles tam vicini, tam di-

visi & injuriæ patentes tutâ liber-
tate fruerentur, quis tam est in-
sanus ut credat? His demonstra-
tionibus accedit & illud, quod po-
pulariter Medorum Respublicas
Herodotus ait esse gubernatas.
Eum ego Scriptorem videre velim
qui in Asia superiore democra-
tiam commemorârit unquam. Eas
nationes quas servituti natas, re-
gnis innutritas, libertatis impo-
rentes omnis historia loquitur de-
mocratias inter se constituisse?
Atqui hi sunt populi, quibus τὸ φύ-
σει δεσποτικὸν Aristoteles tribuit, quos
ἐν τῷ δεσποτικῷ ἀρχῇ ἐποικίζειν ἔδεν
δυσχεραίνοντας, affirmat, *dominatum*
ferre a quo animo; inter quos emi-
nuisse Medos etiam Maro cecinit,
Regem non sic Ægyptus & ingens
Lydia, nec populi Parthorum aut
Medus Hydaspes Observat. Αὐτοὶ
καὶ μὴδαι τὰς τυραννίδας ποιο-
ῦντες,

κωγσι, Assyrios & Medos dominationes adorare ait Apollonius *apud Philostratum*; Libertatem & imprimis popularem libertatem ne quidem à facie noverant; sed omnes Asiatici, quemadmodum, Cappadoces apud Justinum *libro 38.* animati erant, qui oblatam à Romanis libertatem, quod vivere gentem sine rege posse negarent, respuebant. Cæterum ex his facile intelligitur, nihil profuturam contra superiores objectiones, si forte moveatur, exceptionem, quod Medos scribat Herodotus diu strenue contra Assyrios pro libertate pugnasse; dein potuisse eos stabilita pace suo arbitratu vivere. Tentari enim id posset, si Assyrios vel deletos à Medis vel subactos constaret; nunc cum eo ipso tempore quo in umbra altæ pacis floruisse Medi dicuntur, certum sit Assy-

rios & potentissimos fuisse & continuo in armis, nullam fidei speciem hæc responsio exhibet.

§. 7. Infractis Herodoti traditionibus sola superest Ctesia & Diodori sententia, quam quidem veram cum nulla sit alia, per se jam esse oportet; sed videndum tamen, quo pacto ea quæ obijciuntur commodè removeri queant. Duo autem imprimis speciose nobis opponi videntur, quibus verisimile reddi possit Medos sub Assyriis fuisse regnumque eos peculiare non constituisse ante exitum Esarhaddonis Assyrii & initium Dejocis Medi; quæ quidem pro Herodoto non esset ratio, sed & hunc & Ctesiam everteret. Videamus autem quænam sint ista, ut si removeri possint tanto sit vulgatâ opinio firmitior. Prima est, quod Salmanasser rex Assyriorum Medis quoque im-

imperasse videatur, cum Israëlitarum captivorum colonias in Mediam transtulerit, ut legitur *libro 2. Regum cap. 16. vers. 6.* Sed absurdi nihil dicam, si Mediæ tantummodo partem aliquam* Assyriis fuisse obnoxiam inde sequi contendero, quæ etiam sententia Magni est Scaligeri *libro 3. can. Isag. loco ante citato.* Nec est, quod cuiquam hæc interpretatio remotior à sensu verborum videatur; In omni quippe ambiguitate ea est explicatio recipienda, quæ vitio caret, aliisque certis rationibus non adversatur: neque vero exemplis destituimur quibus eadem responsio in similibus controversiis duriori interpretatione à doctissimis viris usurpata est. Nam hodie inter eruditos omnes constat, postremum Babyloniorum regem non fuisse Belzarem, sed Darium
Me-

Medum, cujus Daniel Propheta meminit, eumque esse Nabonidum seu Labinytum, ut ab Herodoto & Beroso apud Josephum appellatur; nec fuisse hunc Cyri socerum aut regem Medorum, ut falso ante hac è Xenophonis Cyropædia plerisque erat persuasum, sed tantum ratione & origine Medum: Verum is tamen legem in odium Danielis tulisse fertur *capite sexto*, secundum jus Persarum & Medorum. Quid ergo? Rex Chaldæorum an jure externo fert leges? Non potest alia excogitari responsio, quam partem Mediæ atque Persiæ Babylonios adhuc tenuisse, legemque in istis partibus nempe Suis rogatam esse latamque; hanc responsionem cum homines docti habeant pro certa, ratio nulla est, cur nostra ad locum alterum improbanda sit; Nam
fi

si Darius ferre legem potuit jure regnorum, quæ modica ex parte tenebat, quid ni Salmanasser exules in partes Mediæ, quæ parebant ei deportare potuerit? cum & alias in extrema fere imperiorum id genus coloniarum transferri soleat. Nimirum non suos modo Assyrii terminos à Medorum dominatione vindicaverant, sed & Mediæ ipsius partem insederant; quemadmodum & Chaldæi cum Assyriorum exemplo à Medis, ut mox audiemus, defecissent, partem ut videtur, non exiguam Persiæ atque Mediæ ditionibus suis adjecerunt.

§. 8. Secundum, quod Medorum regno objicitur argumentum non Medis tantum sed omni Assyriorum historiæ totique Ctesias narrationi obstare videbatur, & est illud ipsum, quo nos aliquoties ad Herodoti refutationem su-

mus usi. Nimirum post illud tempus quo Sardanapalus ab Arbactō dicitur interfectus; Assyrios adhuc floruisse, bellaque maxima, de quibus locuti sumus tota Asia gessisse. Unde & falsum videri posset Assyricum imperium in nece Sardanapali hoc tempore esse finitum, multoque falsius summum imperium ad Medos esse translatum. Sed hoc telum diu provisum & à doctis hominibus amotum est; quanquam Johannes Funccius quique eum secuti sunt vulgo omnes Chronologi minime *σοφὸν φάρμακον* adhibuerunt. Nam hi statim è Sardanapali cineribus regnum Assyriorum Babylonix recens esse natum auctore & primo rege Belocho tradiderunt, quem Belsin vocat Diodorus, quemque isti Pulem, qui in sacris primus Assyriorum regum memoratur, fuisse

conten-

contendunt, eundemque habent Salmanassarem, quem Ptolomæi canon Nabonassarem appellat, quod post Scaligerum à Calvisio aliisque est refutatum. Præterea Belesin & Arbacen in partes sibi singulas imperium distribuisse, vel, quod aliis videtur, Arbacen à Belesi in Mediam ut præfectum provinciæ fuisse ablegatum, & Belesin quidem regiam sedem Babylonix tenuisse, successores ejus Niniven habitatum profectos, donec in Eserhaddone penitus deficerent. His commentis, cum ab aliis dudum sint protrita, nos refutandis non immorabimur, saltem quod de Belocho seu Belesi novæ Monarchiæ authore narrant, quam sit falsum, solo ex Diodoro, qui unicus harum rerum auctor fide aliqua dignus est, satis constat. Testatur enim is Belesin, Astrologum fuisse

sc

se Chaldaëum, qui auctor quidem Arbaci fuerat defectionis magna-
que apud rebelles autoritate e-
rat, sed ut dignatione Arbaci æ-
quaretur tantum abfuit, uti furti
quoque & peculatus iudicio favo-
re Arbacis ægre fuerit ereptus.
Babyloniæ præfecturam in eventum
victoriæ sibi promissam; consecu-
tus est, sed de jure regio tam
falsum est quam id verum, annis
demum centum & viginti sex post
Sardanapali mortem Babylonicum
regnum Nabonassaris auspicio
constitutum fuisse: Neque vero
id sequitur, in sacris primi regis
Assyrici mentio est Pulis expedi-
tionem Israëliticam moventis; er-
go is primus omnino est rex Assy-
riæ; multoque absurdus est, il-
lum Pulem fuisse Belesin vel Be-
lochum, quando bellum Mena-
hemo Israëlitæ centum post Sar-
da-

Disp.VII. Resp: JOH. ALTHUSIUS,
danapali exitium annis intulit.

§. 9. Missis igitur nugis videamus an veritas certiori aliqua ratione investigari possit. Quam in rem ductu Orosii non incommode videmur usuri, qui *libro 1. cap. 19. Exin, ait, regum Assyriorum imperium in Medos concessit, deinde multis praliis undique scaten- tibus, quæ per ordinem disserere nequaquam aptum est, per varios proventus ad Scythas Chaldaeosque & rursus ad Medos parili via rediit. Quæ verba totam gestarum rerum seriem & Asiæ statum inter exitum Sardanapali ac initium Cyri breviter repræsentant. Exin, ait, id est, post necem Sardanapali regum Assyriorum imperium in Medos concessit. Non poterat Orosius ignorare ut Christianus fuisse aliquandiu postea reges adhuc Assyriæ, quod tamen minime censuit*

impedire, quominus tunc quidem translatio imperii ad Medos sit facta, præsertim cum centum anni intercesserint ab eo tempore quo Sardanapalus periisse traditur, usque ad primam Pulis Assyrii mentionem in sacris. *Deinde multis præliis undique scitentibus*; Post Arbacem res in Asia prorsus turbatas fuisse indicat & res loquitur, cum quæque gens suos peculiariter reges habuerit, ut Eusebius *num. 1197.* testatur & historiæ regum Assyriæ, Babylonix, Syriæ aliorumque ostendunt: at sine bellis nec Medorum potentia dissolvi, nec separatim regna fundari potuerunt. Igitur dubitandum non est, quin ipsi Assyrii simul fere cum Babylonis vel paulo ante defecerint à Medis, quod Scaliger magnus non uno loco scripsit. Et sane cum alterutrum sit necessarium vel Medos

dos defecisse ab Assyriis vel hos ab illis, & nos prius quidem, quod Herodotus vult, fieri non potuisse ostenderimus, consentaneum est, ut Assyrii recentis jugi ab Arbace impositi, cum ipsi dudum aliis gentibus imperare consuevisent, impatientes, mortuo illo tumultuati sint. Regemque sibi popularem præposuerint, qui spe veteris fortunæ *Ninum* appellari se voluerit, qualem post Sardana- palum regno apud Assyrios potitum esse Castor Rhodius aliquoties nobis dictus, in libris τ' χρονικῶν ἀγνοημάτων apud Eusebium in *Chronici λόγῳ* πρώτῳ testatur, qui brevi ita increverunt; uti & partem Mediæ, quod audivimus, & Arabiam aliasque regiones imperio suo addiderint, quando & Herodotus Senacheribum Assyriorum & Arabiæ Regem nominat; Eorum procul-

dubio exemplum secuti sunt Babylonii principe Nabonassare: Atque hæc sunt *quæ per ordinem differere nequaquam apta esse* dicit Orosius; dein *per varios proventus ad Scythas* devolutum esse imperium ait. Cum Assyriorum fortuna diu Medis superior fuisset, tandem post Sennacheribi horribilem cladem rebus Esarhaddonis filii in artum redactis, caput Medi extulerunt & protendere imperium, gloriamque & potentiam recuperare cœperunt; quod forsitan Herodoto imposuit, ut cum Dejocem (quem eundem esse qui Ctesia Articas dicitur, nihil obstat) fortunæ gentis auctorem præcipue celebrari audiret, primum omnium hunc fuisse regem putarit. Jam quod de Scythis Orosius habet ex Herodoto promptum est, qui per annos viginti octo Medos Asiæque magnam

gnam partem tumultuaria ab illis dominatione oppressam fuisse scribit; his Chaldaeos subjungit Orosius, non sane quod eorum regni post Scythas id initium fuisse velit, sed quod ad summam tunc gloriam potentiamque sub Nebucadnezare pervenerint, *Et rursus ad Medos parili via rediit*; hoc quoque non de regno sed magnitudine ejus accipiendum, quam Cyaxares penultimus Mediæ rex oppressis Scythis & occupatâ Nino, Nabuchodonozore à potestate rationis alienato ad summum produxit, adeo ut Nitocris uxor, ut Scaligero videtur, Nabuchodonosoris, Babyloniam ejus metu accuratius muniendam duxerit, ut Herodotus auctor est. Atque ita se res Asiæ à Sardanapalo usque ad Cyrum, ut colligere licet, habuerunt. In quibus tam pro utilitate Chrono-

logica, quam fide historiæ con-
stanter tenendum est, novem Me-
dorum reges continuo successio-
nis ordine per annos trecentos &
septendecim imperavisse, usque
ad initium Cyri; quod cum inci-
derit in annum primum olympia-
dis quinquagesimæ quintæ; con-
sequenter Sardanapali interitum ne-
cesse fuit incidere in annum ante
primam olympiadam centesimum;
atque sic omnis Assyriorum ætas,
quæ alioqui funditus perierat, com-
modissime cum Persicis Græcisque
temporibus connectitur.

§. 10. Corollarii loco etiam il-
lud hinc liquet, admodam fatuam
eorum esse opinionem, qui cum
quatuor catholica imperia, quæ
dignitate & potentia cæteris præ-
stiterint in mundo floruisse statu-
ant; quibus Monarchiarum no-
men dederunt; earum primam
volunt

volunt Assyriorum fuisse à Nino conditam, in Sardanapalo divisam, à Cyro extinctam. Jam enim nemo dubitat, quin Assyricum imperium in Sardanapalo non divisum sed penitus sepultum fuerit; quod si postea instauratum est, nec continuum tamen id imperium nec præcipuâ semper potentia fuit. Nequidem Æmilii Suræ apud Vellejum sententia omnino probari potest, qui post Assyrios in summa potentia Medos, his Persas, Græcis Romanos subjungit & sic quinque Monarchias, quomodo nunc loquuntur, statuit. Licet enim Medi primo & extremo tempore summam potentiæ habuerint, quoniam tamen interim Assyrii, Scythæ, Chaldæi varie prævaluerunt, ut è sacris partim & ex Herodoto intelligimus, vix est ut interruptam hanc magnitu-

dinem inter Catholica imperia recensere liceat. Plane quod jactatur de continuata Monarchiarum successione & numero præcise quaternario in Ecclesiastica historia perspicuum, in civili obscurum & exiguum habet usum, ut a libi ostendendum.

DE EXITU
ASTYAGIS
DISSERTATIO VI.

§. I.

CYrum Majorem regnare
cœpisse in Persis anno primo olympiadis LV. magno
Veterum consensu traditum esse,
auctor

autor est Eusebius *libro 10. prepa-*
rat. Euang. idemque ex fine Per-
 farum liquet, qui accidit hauddu-
 bie anno secundo olympiadis
 CXII. A. Cornelio, Cn. Domi-
 tio Romæ consulibus, uti cum a-
 liis Diodorus *libro 17. cap. 62.* te-
 statur. floruit autem Persarum im-
 perium annis præcise ducentis vi-
 ginti novem, ut ex dinumera-
 tione annorum cujusque regis a-
 pud Herodotum & Diodorum
 patet, modo ipsi Cyro non annos
 viginti novem cum Herodoto sed
 triginta cum Ctesia *libro 30.* & Ci-
 cerone tribuamus. Eundem nume-
 rum sed rotunde, ut par erat, Darius
 apud Curtium edidit *libro 4. cap. 14.*
Forfitan ita Dii fata ordinaverunt,
ut Persarum imperium, quod secun-
do cursu per ducentos & triginta an-
nos ad summum fastigium evexe-
rant, magno motu concuterent ma-

gis quam afligerent. Ducenti porro & viginti novem anni ab secundo olympiadis centesimæ duodecimæ anno subducti relinquunt præcise annum primum, quem diximus, olympiadis LV. Nec omnino dubitatur, quin hoc sit notissimum Cyri principium, cardo civilis historiæ & vinculum, quo vetustior cum recentiori historia solide uniceque connecti potest. Sed hoc controversum est, an Cyrus statim atque in Persis regnum condidisset vel anno saltam proximo Astyagen sit aggressus & everterit, an aliquot demum annis postea inter avum & nepotem ortum sit bellum, regnumque & dignitas Medorum in Persiam translatum, quæ disputatio & ad Medici regni historiam directe pertinet & Assyricis temporibus cum olympiadum æra conjun-

jungendis est necessaria. Nam si diversis temporibus defierit Astyages & coeperit Cyrus, aliud quam olympiadis LV. initium pro fine Medorum erit conquirendum, & consequenter nec Sarnanapalus centesimo ante primam olympiadem anno perierit, sed recentiora aliquot annis omnia esse oportet. Quamquam autem modicum sit diffensionis intervallum, Cyri tamen principium, quod tanti est in Chronologia momenti, ne paucissimis quidem annis expediet esse incertum.

§. 2. Divisa autem esse temporibus principium Cyri & exitum Astyagis Magnus Scaliger arbitrat, locisque cum multis tum in notis ad fragm. Porphyrii ita scripsit. *Imperite faciunt, qui anno primo Cyri, hoc est anno primo olympiadis LV. Astyagen à Cyro victum scribunt,*

bunt, cum Cyrus à Persis Rex electus ante Astyagis cladem aliquot annis regnarit, & in his turbat Eusebius. Quot autem annis Cyri principium antecedit exitum avi paulo ante expresserat, Astyagen constat captum à Cyro anno olympiadis LVI. hoc est anno ducentesimo vigesimo primo Iphiti. Idem fere doctissimus Ubbo Emmius libro 5. rerum Chronolog. sequitur, finemque Medorum & Astyagis anno ultimo olympiadis LV. non primo adscribit; sed iterum in rebus vet. Grac. ex. Herodoto, primam Cyri defectionem nostro quidem anno olympiadis LV. primo adtribuit, sed exinde usque ad exitum Astyagem totum intercessisse octennium quasi ex annalibus refert, quod scire vehementer velim unne sit depromptum; nam apud Herodotum, cujus compendium eo libro

libro profitetur nihil tale reperio. Nos contra persuasi primo id agemus, ut initium Cyri clademque postremam Astyagis in idem circiter tempus incurrere, adeoque finem Medici regni in ipsam olympiadem quinquagesimam quintam surgentem vel quinquagesimam quartam desinentem, ut Eusebius habet, incidisse ostendamus.

§. 3. Hujus rei invictum argumentum ex Diodori *libro 2. capite 32.* habemus, ubi discrepantiam Ctesiae & Herodoti exponens hæc verba habet auctor. Κατὰ τὸ δεύτερον ἐτὶ τῇ ἐπικαίδεκάτῃς ὀλυμπιάδῃ ἡρέθη βασιλεὺς ὑπὸ Μήδων Κυαξάρης καθ' Ἡρόδοτον. Id est, *Quarto decimo septima olympiadis anno, ut Herodotus tradit, Rex à Medis Cyaxares electus est.* Primo id concedendum est, per Cyaxaren nullum hic alium à Diodoro quam

quam Dejocem apud Herodotum esse intelligendum. Hoc neminem esse negaturum, qui narrationem Herodoti cum verbis Diodori contulerit, nequaquam, cum res tam perspicua sit, dubitamus. In Cyaxarem enim quem Herotus vocat, Astyagis Patrem minime omnium quæ Diodorus de hoc Cyaxare narrat, conveniunt. Quæ sit Herodoti de principio Dejocis traditio ex superiori disputatione intellectum est; Videamus quam sint eadem quæ Diodorus de suo Cyaxare loquitur;

Ἐπειτα βασιλέα μὴ μὴδὲνα γενέσθαι τὸν ἀμφισβητήσαντα τῷ ὅλῳ ὅππῃ πολλὰς γενεὰς, τὰς ἣ πόλεις καθ' ἑαυτὰς ταῖς πόλιν διοικῆσαι δημοκρατικῶς, τὸ ἣ τελευταῖον ἔτι πολλῶν ἐτῶν διελθόντων αἰρηθῆναι βασιλέα πρὸς τοῖς Μηδοῖς δικαιοσύνη διάφορον ἄνδρα ὄνομα κυζάρην. Postea (cum Medi ab Asty-

Assyriis defecissent) *neminem per multas generationes universa Media potitum fuisse, sed urbes separatim constitutas populariter gubernatas esse. Tandem post multum temporis elapsum; Regem à Medis electum fuisse virum justitia insignem nomine Cyaxaren.* Hæc cum verbotenus ex Herodoti loco de Dojocce sint exscripta nemo tam alienus ab usu rationis erit, qui de alio quam de ipso Dejocce intelligere velit, siue duplex ille nomen, ut frequentissime in orientalibus fit, habuerit, seu vitium hoc, ut multa alia, librariorum fuerit; utique hic primum à Diodoro Medorum regem describi non penultimum singula pene verba loquuntur. Id igitur constat Dejocem regnare cœpisse apud Medos secundum Herodotum, quem Scaliger etiam sequi se profitetur, anno secundo olympiadis

decimæ septimæ; regnatum est à tribus post eum Regibus annis centum & quinquaginta id est olympiadibus triginta septem annis duobus, quibus si præcedentes accedant, olympiades quinquaginta inde quatuor exsurgunt completæ; unde irrefragabili ratione liquet Astyagen succubuisse anno ultimo, ut scribit Eusebius, dictæ olympiadis vel saltem primo quinquagesimæ quintæ; adeoque cladem Medicam & exordium Persicum conjunctas res fuisse. Atque ita etiam sensisse illos veteres, quorum Eusebius *libro 10. ~~αἰώνων~~ ^{αἰώνων}* meminit, Africanum, Castorem, Thallum, Phlegontem, Polybium & alios, argumento est abunde, quod Eusebius ipse in Chronico suo canone eam traditionem non alia sane autoritate sit secutus; Cui enim potius hac
in

steriori ὀφθαλμοφανῶς ostendi potest, quanquam Scaliger eum, quod satis mirari nequeo, auctorem sententiæ suæ laudat. Primo enim à Dejoce ad Cyaxaris initium numerat exacte Herodotus annos septuaginta quinque, id est annos tres supra olympiadas octodecim, totidemque præcise post primum ejusdem annum usque ad finem Medorum; adeo ut sive ab anno secundo olympiadis XVII. sive retro à primo olympiadis LV. id est à Dejocis aut à Cyri initio, semper exordium Cyaxaris in finem primi vel initium secundi anni olympiadis trigesimæ sextæ incidat; Eusebius eundem quidem annum, quem Scaliger, expressit, sed & hunc vir summus Medorum tempora corrupisse & se Herodotum sequi identidem proficetur. Unde nec id credere licet, cum

DISSERTATIO VI. 115

cum Astyagi secundum Africanum annos quadraginta tribui voluisse, quo alioquin additamento fieri poterat, ut clades Astyagis olympiadem quinquagesimam quintam excessisse videri posset; sed inquam, nec hunc sequitur Scaliger, nec est cur in tam propinquis temporibus Herodoto Africanum præponamus.

§. 5. Igitur nihil adfertur cur dubitandum sit, quominus verissime scripserit Eusebius defectionem Cyri victoriamque contra Medos continuo temporis tractu eodemque haud dubie anno contigisse; neque enim obstat quod proferri posset, verisimile non videri, duo maxima prælia tantosque rerum motus à Cyro tam celeriter confici potuisse, ut prima ejus rebellio cum ultima victoria in idem tempus, incidere, nihil.

enim impedit, cur non intra anni
vertentis circuitum Astyages à quo
ipsimet Medi summopere erant a-
lienati, absolvi potuerit. Nam &
narratio Herodoti harum rerum
prope unici auctoris sic comparata
est, ut continuam brevemque
belli seriem perspicue repræsentet.
Ἀστυάγης δὲ, inquit, ὥς ἐπύθετο Κύ-
ρον πρῆστοντα ταῦτα &c. Μήδης ὅπλι-
σε πάντας; &c. Cum intellexisset
Astyages Cyrum Persas ad defectionem
pellexisse Medos omnes arma-
vit, non igitur distulit expeditio-
nem in annos integros, sed sta-
tim priusquam vetustate corrobo-
raretur rebellio, ut consentaneum
erat & civilis ratio credere jubet
ad opprimendam eam contendit.
Denique cum totam narrationem
absolvit Herodotus, οὕτως δὲ Κύ-
ρον, subjicit, γενόμεστε καὶ τρα-
φῆς καὶ ἐβασίλευσε καὶ Κροῖσον &c.

Ita Cyrus natus & educatus & regno potitus est & Cræsum &c. Postquam Medos debellasset tum demum regno eum potitum esse tradit, cum plena jam victoria esset & regni secura possessio. Sic Alexandri Persicum regnum non ab ingressu in Asiam sed à pugna ad Gaugamela & morte Darii: Sic & Augusti imperium ab Actiaca victoria, non ex quo primum à Republica defecit & bellum gerere & principatum cœpit affectare, deducimus. Hinc & Justinus ex Trogo libro. 2. in fine c. 6. & princ. 7. Hic finis Medorum imperii fuit & mox; Initio regni Cyrus. Idem rerum & narrationis ordo est in excerptis Ctesix apud Photium, omnesque reliqui veteres hac methodo loquuntur.

§. 6. Sed illud ex hac sententia viderur incommodum fluere,

quod accurata conciliatio testimoniorum Ctesiae & Callisthenis de tempore Assyriorum & Babylonico, quæ Scaligerana hypothesi nititur, per nostram evertatur. Scaliger enim à principio Cyaxaris penultimi regis Medorum, calculos Ctesiae retro subductos usque ad initium Assyriorum, cum observationibus Callisthenis, quæ ab Alexandro Magno repetuntur, confert ac examussim componit; ut exinde necessario liqueat, verissima Ctesiam monumenta in illis antiquitatibus esse secutum: at cum nos Cyaxarem tota olympiade altius quam Scaliger, removeamus, fieri necesse est, ut similiter quadriennio computus Ctesiae differat à Callisthene; sed respondemus, ob levem in tot sæculorum intervallo discrepantiam nihilo infirmius esse desumptum à Ctesiae

Ctesia & Callisthenis consensu argumentum; & videre quos velim vel aliorum Veterum vel his diebus Chronologorum, qui se squimille & quod accedit annorum spatium tam modico dissensu in ætate mundi aliave historię parte sint confecturi; quanquam si Astyagi quadraginta annos cum Africano adscribimus, tum de novo accurata illa conciliatio haberi potest, si quid in illa sit momenti.

DE EXITU

Sardanāpali & man-
tiffa de Nimrodo

DISSERTATIO VII.

§. I.

Firmata, ni fallor, satis est
regni Medici & Assyriorum
ætas & in perspicuo certoque
collocata, nisi quod duo scrupuli
circa primum & ultimum regem
Assyricum remansisse videantur,
quorum posteriorem; quod cum
præcedentibus cohæreat, primo ex-
pediemus. De Sardanapali, in-
quam, exitu in tres potissimum o-
piniones viri docti, quantum nobis
constat, ivisse videntur, quarum
prima vulgatæ de Assyriis Medis-
quo

que doctrinæ & auctoritati Ctesia est consentanea, reliquæ diversis hypothefibus serviunt, quæ breviter nobis excutiendæ sunt, quando certa quidem communis sententia esse nequit, dum probabiles istæ opiniones existimantur.

§. 2. Prima singularis sententia est *Celeberrimi Armachani* qui ad annum mundi conditi MMMCCXXXIII, scribit Sardanapalum videri esse filium Pulis Assyriorum regis, qui Menahemum Israëlitam instituta expeditione obnoxium sibi, ut ante nobis dictum, reddidit. Huic anno ab illa expeditione quarto successisse Sardanum filium, qui à Parente Pulis cognomine accepto dictus est Sardanpulus & à Græcis Sardanapallus. Post viginti annos evertisse cum Arbacen Medum &

Belesin Babylonium, sed illum suis libertatem & *αὐτονομίαν* dedisse, hunc novum Babylonix regnum condidisse & eundem esse qui à Censorino & Ptolomæo Nabonassar appellatur. Eodem autem tempore juniorem Ninum, qui sit idem cum Tiglatpileserè in sacris literis, Assyriæ regnum ad proprios terminos jam redactum instaurare cœpisse & bellis inclarescere. Miræ omnes & hæctenus res inauditæ, sed ut ipsum non puto authorem negaturum meræ conjecturæ, tam facile nullaque ratione refutandæ quam sunt adstructæ. Nam Sardanapalum fuisse Pulis filium, si non alio quam nominis argumento docet, admodum sane id leve est, cum pluribus Assyriorum nominibus fuerit hoc additamentum commune; dein quod partim Ctesiam partim Herodotum sæpe
neu-

neutrum sequatur quo id faciat exemplo vel ratione ignoro; Arbaces & Belesis bellum in Sardapalum habet è Ctesia, Libertatem Medorum securam ex Herodoto, sed eam esse ab Arbace datam ex neutro & ex nullo. Rem enim absurdam quis scripserit? Arbacen ideo bellum movisse & Sardanapalum ad mortem adigisse, ut democratiam in Media constitueret, non ut sibi principatum pararet; permisisse autem Belesi obnoxio sibi & inferiori regnum in Chaldæis vindicare; imo ne quid desit miraculi, Ninum juniorem vivo & vidente Arbace qui Ninivem ceperat, Assyriam subegerat & rex salutatus erat, ut ipse Author ex Atheneo & Diodoro narrat, ipso anno quo hæc contigerant Assyricam Monarchiam instaurasse. Qui hæc absurditatis & con-

contradictionum absolveret, ei rationibus utendum erit inusitatis. Non minus ego hæc miror quam quod postea deserto repente Herodoto referat ex Xenophonte (quem Cyropædiam suam philosophice potius quam historice scripsisse jam dudum constat) Cyrum nunquam bellum fecisse avo suo, Astyagen in regno defunctum eique Cyaxarem filium successisse, contra omnium aliorum fidem; quemadmodum & in eo Herodotum deserit, quod post Esarchaddonis sive Assaradini exitum, Babyloniorum reges Niniven occupasse, regnumque Assyriorum cum Chaldaico conjunxisse, ductus conjecturæ suæ persuasione scribit, cum Herodotus Niniven ad extremum usque suo usam imperio, donec à Cyaxare occuparetur, nec ab alio possessam fuisse testetur.

§. 3. Multo equidem specio-
fior & elegantior alia viris maxi-
mis opinio placuit, ipsum Esar-
chaddonem Senracheribi filium,
esse Sardanapalum; quod non u-
na ratione videbatur probabile
reddi posse. Nam & in sacris lite-
ris ille Assyriorum regum memo-
ratur postremus, & statim post e-
jus obitum videtur Herodoti De-
joces commodè subjungi posse,
ut sic Assyriis Medi successerint;
Et præterea nominum magna vide-
tur esse affinitas. Neque enim
Græcum id esse quisquam putat,
etsi ita Eusebius Ασυχίων βασιλευ-
σεν 25 Θώνοσκονκόλερ ⑥ "Ελληνισί
Σαρδανάπαλ ⑥, *Assyriis imperavit*
trigesimus sextus, Thonius Conkole-
rus Græce Sardanapalus: Verum si
Esarchaddoni particula *Pul* addatur,
per contractionem in peregrinis
vocalibus familiarem Sardanapali
no-

men non difficili flexu videbatur
 oriri. Cæterum non paucioribus in-
 commodis, si rem exacte perpen-
 dimus, hæc sententia, quam ve-
 rissimilibus argumentis urgetur.
 Primo enim id neminem censeo
 negaturum, quin Sardanapalus is
 fuerit, à quo Medi defecerunt;
 adeo enim constantem de eo po-
 steritatis memoracionem esse fal-
 sam, ut nihil omnino veri in ea con-
 tineatur, nequaquam admitten-
 dum est; sed Herodoti autorita-
 tem sequentibus id concedere non
 licet, quoniam is multo antequam
 Esarchaddon esset natus Medos
 ab Assyriis defecisse comminiscitur.
 Præterea, si quis hoc negare for-
 sitan ausit, id utique asseveratum
 & in confesso est, fuisse ultimum re-
 gem Assyriæ Sardanapalum, quod
 tamen de Esarchaddore affirmari
 nequit; Constat enim diu post ea
 tem-

tempora, quibus Esarchaddon & Dejoces floruisse traduntur, stetit adhuc Niniven urbem, haud dubie sub regio imperio; nisi & hi forte quemadmodum Medis olim in mentem venisse autor est Herodotus, democratiam & popularem libertatem postremis temporibus cum maxime bellis urgerentur & ductu auspiciisque unius indigerent, inter se constituerint. Quin & auctor historię Judithę, Arphaxadum Medorum & Nabuchadnezarum Assyrię regem, qui Ninivę habitabat, eodem tempore vixisse & crudele bellum gessisse scribit. Quod per Arphaxadum intelligat Dejocem Herodoti, si-ve Artycam ut loquitur Ctesias, satis ex eo liquet, quia Ecbatanorum ei structuram perinde ac Herodotus Dejoci adscribit eandem: adeo ut Francisci Junii distinctione, qui

Me-

Medorum regni duas constituebat partes, quarum alteram Artycas si-
ve Arphaxad alteram Dejoces te-
nuerit, non sit opus. Ceterum Nabu-
chodonosor, non utique ille Judæo-
rū deportator qui multo est recen-
tior, sed Esarchaddonis ut videtur,
successor est, non tamen Soasdu-
chinus, ut Usserio nullo probabili
argumento videtur rex Babylo-
niorum simul ac Assyriorum, sed
potius Assyriæ solius rex; quippe
tam potentes adhuc multo post
tempore Ninevitas reges fuisse,
ut Medorum maximos exercitus
profligare potuerint Herodotus te-
statur. De quibus tamen nihil as-
severate sum disputaturus. Sufficit
id ostendisse Esarchaddonem non
esse omnium Ninevitarum regem
ultimum nec proinde Sardanapa-
lum videri posse. Et sane cum ve-
rustiorum multorum, regum me-
mi-

Disp. IX. *Reſp.* JOH. ALTHUSIUS,
minerit Herodotus, ſi tam recens
uiſſet Sardanapalus, mentionem
ejus adeo celebratam non omiſiſ-
ſet, præſertim cum de rebus De-
jocis loqueretur, in cujus rebus
geſtis Sardanapalum omittere non
potuiſſet, quando ut in hujus ſen-
tentix hypotheſi eſt, imminutio E-
ſarhaddonis Dejocis fuit incre-
mentum; nec tamen ignotum
Herodoto Sardanapali nomen fu-
iſſe ex libro tertio liquet, ubi ſine
temporis quidem commemoratione
ejus meminit, ſed ita ut re-
gem otio alto, dum floreret, im-
merſum & reconditis divitiis bea-
rum non obſcure ſignificet; quæ
in Eſarhaddonem minime conve-
niunt, ut quem opibus poſt cla-
dem paternam exhaustum & in
turbido regno continus moleſtiis
belloque cum parricidis fratribus
implicitum fuiſſe res ipſa & hiſto-
ria

riæ fides ostendit. Porro quod in sacris postremus regum Assyriorum nominatur, nihilo magis inde sequitur revera fuisse eum ultimum quam quod Pul fuerit primus, eo quod princeps ei rerum gestarum locus in sacra scriptura tribuatur; nihiloque clarius ex hoc argumento constat Esarhaddonem esse Sardanapalum quam Pulem esse Bolochum, ut Funccius cæterique Chronologi arbitrabantur. Superest igitur ut ex nominum convenientia Sardanapalus ipse Esarhaddon, ubi Pul particula accedit, esse arguatur. Sed fallax hoc genus argumentorum esse oportet, unde quidlibet facile ex quolibet exstrueretur, quia cum nomina sæpe contingant diversis hominibus eadem, si toties eos confundere liceret nihil certi in historia haberetur. Scimus ex indice no-

minum

minum Assyricorum apud Scaligerum *de temporum emendatione* frequens ius nomen usurpatum fuisse *Schadran*, cui si *Pul* particula jungatur, multo facilius *Schardanapuli* vocabulum à Græcis patebit corruptum esse quam *Eſarchadonpulis*. Video Græcos Sacrorum interpretes *Eſarhaddonem*, *Σαρχεδωνόν* transponere, quod sane est proclivius quàm *Sardanum* vel *Sardanapalum*, idque cæteri proculdubio imitati forent, si hoc nomen usurpavissent.

§. 4. Hoc loco præteriri non debet, quod Scaliger Ctesix exprobrat de *Sardanapalo*; eum scripsisse cum *Sardanapalus* ab *Arbace* obsideretur & in summum tres adducta esset periculum, misisse tres filios filiasque duas *Ninum* ad Regem ibi regnantem; quasi tunc alius fuisset rex Assyriæ & *Nini*

confedisset quam Sardanapalus. Ita scripsisse Ctesiam Athenæus ait libro XII. τὰς γὰρ τρεῖς υἱὲς καὶ δύο θυγατέρας ὁρῶν τὰ πρᾶγματ' ἀκατέ-
 ιδρα, προπετόμφει εἰς Νίνον πρὸς τὸν ἐκεῖ βασιλέα &c. Sed ego cum Athenæo Diodorum Siculum committo, quem id agere ex professo constat, ut Ctesiam in Assyri-
 cis totum exprimat & describat, cui propterea plus in hac descriptionis fide tribuendum esse ratio exigit; at hic iisdem pene verbis in capite 26. libri 2. Sardanapalum, cum in maximo discrimine res suas versari videret, tres filios natusque duas magna cum gaza misisse ait in Paphlagoniam ad Cottam præfectum inter omnes subditos regi addictissimum. Hæc cum superioribus adeo adversentur, non dubito quin recipienda sint præ absurdissimis cæterisque Ctesiae narrationibus
 tam

tam contrariis Athenæi allegari; nec proinde ad fidem Ctesia, in antiquitatibus hisce, evertendam valeant quanquam ea ne quidem mens sit ipsius Scaligeri; quem calculos ejus amplecti sæpe audivimus.

§. 5. Corollarium de Nimrodo, quod subiectum hic iri diximus, eo pertinet, quod in superioribus Nimrodum nos Belum videri esse Babyloniorum regem primum satis perspicue ostendimus. Sed movet hic scrupulum, quod primo Gerhardus Mercator *in Chronologicis* & dein literarum Justus Lipsius *libro 2. monit. polit. cap. 1. num. 1.* Ninum, non Belum, fuisse Nimrodum putent, quoniam eadem, fere de Nino à Græcis, quæ in sacris de Nimrodo prædicentur; & secundo quod eximiæ elegantiae & doctrinæ Vir Samuel Bochartus

tus Nimrodum cum Bacho conferrat, multisque speciosis argumentis eundem esse utrumque contendat; *libro 1. Chanaan. cap. 18.* sed quicquid de rationibus illis sit, hæc disputatio non prohibet auctorem communi sententiæ assentiri Nimrodumque existimare Belum esse, ut diserte docet *libro 4. Phaleg. cap. 12. & 13.* quo loco aliisque multis prudenter monet Vir summus, nequaquam temere negandam esse vetustati Assyricæ fidem tam unanimi veterum omnium consensu traditæ, nec profecto opinatus est eam ulli scripturæ sacræ apici vel levissime adversari. Quod Ninum spectat, eum esse Nimrodum etiam Peregrinus Jesuitæ refutavit *libro 15. ad Gen. num. 64. & seqq.* idque falsum, ut hoc addam, maxime apparet inde, quia Nimrodi initium fuit Ba-

Ba-

Babel, quod nemo unquam veterum de Nino sed diserte omnes contrarium tradiderunt, nisi quis Velleji verba capteret *libro 1. cap. 6. ab Nino & Semiramide qui Babylona condiderant*: est enim is concisus loquendi modus, quo verba ultima Semiramidi soli respondent. Fama quoque rerum gestarum, quæ Nino adscribitur, etsi forte non prorsus ad veritatis legem expressa, consensu tamen omnium tanta est ut Nimrodi res eam non capiant, qui Chaldæam & Assyriam paucasque tantum urbes infedit, cum Ninus pleramque Asiam victoriis peragravit; præterquam quod omnes Belum Nino antiquiorem fuisse tradant, cum Nimrodo vetustior populorum domitor sit nullus, quod argumentum in primis notandum. Sunt & qui Nimrodum Assyrici

regni conditorem fuisse negent, Assuri autem duplici argumento id acceptum ferant; tum quod nominis & populi proculdubio sit author, tum & Ninum urbem ædificasse videatur. Utrumque Josephus his verbis complexus est. Ἀσσύρας ἦ Νίνον οἰκίζει πόλιν ἔτι τὰς ὑπεκόσας Ἀσσυρίους ἐπωνόμασεν, οἱ μάλιστα εὐδαιμόνησαν. *Assur vero Ninum urbem ædificavit, & subditos appellavit Assyrios, qui maxime floruerunt.* Quod nomen attinet, fuisse Assurem Assyriorum archegetem res loquitur, sed cum familiari imperio gentes primo adhuc regerenter, & Assur præ cæteris, ut decebat Semi nepotem, pie pacificeque degeret, præbuit ea res Nimrodo occasionem egrediendi à terra sua & sub jugum Assyrios redigendi. Jam quod ex *cap. 10. Genes. vers. 21.* probari soleat Assu-

Assurem struxisse Niniven, hoc a-
 libi pridem remotum est, scilicet
 per Assurem ibi non hominem sed
 regionem esse intelligendam, ut
 nunc potior interpretum consensus
 persuadet.

§. 6. Sed unicum hic contra Af-
 syricam Ctesiae antiquitatem ar-
 gumentum à Nimrodo desum-
 tum, quod in disputatione tertia
 nos fugit, obiter diluendum est.
 Ajunt, Ctesiam æquare Ninum prin-
 cipio Babylonis, quod falsum sit,
 siquidem Nimrod Ninum præces-
 sit: Cum enim is non dubius Ba-
 bylonis sit structor, fieri nequit,
 ut urbis exordium ætas Nini con-
 tingere possit. Sed responsionem
 nobis hic suggerit reliquorum o-
 mnium consensus antiquorum, ut
 in capite primo intelleximus, licet
 eorum non pauci resolute Ctesiam
 sequantur: Sexaginta illi annis

Ninum retrahunt ab initio Babylonis quod Callisthenes tradidit, id est totidem annis quot ab aliis Nimrod seu Belus regnasse fertur. Scilicet Ctesias omne id tempus quod duraverant Assyrii ut in monumentis regiis invenit, expressit, à primo Beli Nimrodique initio; sed res gestas omnium primas Nini scriptas invenit, ideoque ab eo regum tempora deduxit, quæ Belo non præposito sexaginta prioribus annis deficiebantur. Non igitur Ninum conditæ Babylonis exæquat, sed in eo imperio, quod idem fere cum Babylonico principium habuerat, primo omnium de Nino loquitur. Hæc perspicua res & clara est; nihil divinationis; nam præterquam quod calculi reliquorum veterum ultro hoc suggerunt, totidem verbis id ipsum Castor Rhodius dixit: *πρώτης μὲν εἶναι*

εἶναι τὰς Ασυρίων Βασιλεῖς κατὰ τετάρ-
 χαυρ, τὴν μὲν ἀρχὴν ἀπὸ Βήλ πε-
 ποιημένους, τῷ δὲ τὰ τῆς βασιλείας αὐ-
 τῶν ἔτη μὴ ἀκριβοῦς σαφῶς, τὴν
 μὲν ὀνόματι μνημονεύουσα, τὴν δὲ
 ἀρχὴν τῆς χρονολογίας ἀπὸ Νίνης πε-
 ποιημένα. Id est. *Primos fuisse As-
 syriorum reges initium à Belo du-
 centes retulimus; de hoc autem non
 esse accurate traditum, quot annis
 regnaverit; nominis saltem memi-
 nimus, Scribendæ autem historiæ
 initium à Nino fecimus &c.* Non ex-
 acte ait constare quot annis impe-
 rium ille primus tenuerit, sed Eu-
 sebius & veteres alii paulo plures
 sexaginta pro Beli regno edide-
 runt. Eodem pene quo Castor sen-
 su Diodorus *princ. libri 2.* cum an-
 tiquitus ignotos per Asiam reges
 fuisse dixisset, *πρῶτον*, inquit, τῆς
 ἰστορίας καὶ μνήμης ἀκριβοῦς Νίνης
 ὁ Βασιλεὺς τῆς Ασυρίων μεγάλης πό-
 λεις

ξεις ἐπελέσασθαι. *Primus eorum qui hi-*
storiarum memoria sunt traditi est
Ninus Assyria rex, qui res magnas
gessit. Ita quicquid ad explicatio-
 nem harum rerum pertinere vide-
 batur succincte produximus. Quo-
 rum non pauca proluxiori inter-
 pretatione indigebant, quibus hoc
 tempore supersedemus. Id sane
 profiteamur, nihil nos quam inno-
 cuum veritatis studium & exer-
 cendæ professionis nostræ officium
 ad disputationis hoc quaecunque
 specimen compulisse.

F I N I S.

C O-

COROLLARIUM.

VAcantibus hisce pagellis, cum quod adjiciendum esset circumspicerem, corollarium quod disputationi quintæ subjecimus occurrebat; in quo id explicandum supererat, cur celebris de quatuor Monarchiis doctrina, ut vulgo circumfertur, exigam in historia civili usum habere videatur. Sed cum hoc dudum Johannes Bodinus in historica sua methodo disputaverit, nobis pro hac vice suffecerit illius vestigia insistere, ac interim quid probabile existimemus, si res ita ferat, addere. Er primo quidem Germanis hodiernis, suæ in eos invidiæ quam passim declarat Bodinus obsecutus, Monarchiæ, id est, summi imperii Catholicique dignitatem, petrahare satagit, haud plane, si
rem

rem ipsam intueamur, immerito. Nam ut maxime concedamus iusto ad eos titulo imperatoriam dignationem consensu populi Romani & Præsidis eorum Pontificis esse delatam, summi tamen imperii ἀξίωμα tueri nunquam potuerunt. Id enim tale esse oportet ut reliquis mundi præcipui imperiis legem dicere eaque obnoxia tenere possit, quod à Germanis ex quo Caroli Magni posteritati se subtraxerunt, minime præstari potuit. Sed nec idem hodie Germanicum, quod olim fuit Romanorum imperium dicere licet, nisi quibus admodum ineptis esse placet, quando ne minima quidem pars Germanorum Romanæ olim ditioni subiecta fuit: nec ipse Carolus Magnus eam imperii Romani fecit partem, sed non secus ac Galliam suam domestico jure tenuit.

nuit. Postea decreverunt Pontifices populusque Romanensis, ut quem Germani Regem elegerint is Romanorum quoque Imperator diceretur, imperio interim ipso cum Germanorum regno minime confuso. Cæterum quodnam his diebus catholicum sit imperium facilius est negare quam affirmare certo, nisi cui de Turcarum regno videatur quod sane Bodinus existimat. Præterea, inquit idem, *sunt adhuc ac fuerunt non quatuor modo sed infinita imperia Babylonico majora.* Cum doctrina vulgata ex oraculo Danielis sit desumpta, qui sub Nabuchodonosore vaticinatus est; sequitur ut primum universale imperium fuerit Babyloniorum; atqui, regebat Bodinus; Chaldæi, Medi Parthi Arabes fuerunt illis potentiores & pro-

proinde eadem dignatione honorandi. Quos per Chaldaeos intelligat non satis liquet, Nam si vetustos illos putet, quos Africanus ante Belum regnasse scribit, fallitur; cum horum potentia cum Babyloniiis tempore Danielis non sit comparanda. Videtur Assyrios veteres qui à Belo Babylonio cœperunt, intelligere & tum recte argumentetur; quemadmodum & Medos objicit merito; quanquam enim *supra* dixerimus, instabilem Medorum potentiam non videri universalis imperii nomine honorandam, tamen si de Babyloniiis hoc dici possit nequidem de Medis erit negandum. Primus enim ad tam enormem potentiam Nabuchodonosor Babylonem evexisse videtur, & post eum quin & vivente eo Medi prævaluerunt. Potuisset etiam Scythas hic allegare Bedi-

Bodimus, quibus per annos octo
 & viginti Herodotus domina-
 tum Asiæ tribuit. Parthorum po-
 tentiam similiter respectu Chal-
 dæorum non absurde extollit;
 Sed hi cum primum deficerent,
 præ Syriæ & Ægypti regibus haud
 multum excelluerunt; & cum
 postea usque ad Euphratem se
 extendissent Romanos euidenter
 habuerunt potentiores, compara-
 tione virium, etsi ab illis subigi
 non potuerint. Etiam *Arabes*,
 Saracenos ut videtur, supra Babylo-
 nios attollit, sed in hac quæstio-
 ne diversissimorum temporum po-
 pulos comparare non debuit, sed
 cum Arabibus Græci conferendi
 erant, quorum sane imperium iis
 adhuc temporibus habebatur ex-
 cellentius. Cæterum, quod Per-
 sas Bodimus novum negat impe-
 rium constituisse, in eo assentiri

nobis religio est, cum id Scriptores vetusti omnes contra testentur. Quin & Darius apud Curtium libro 4. cap. 14. Precor vos &c. per aeternam memoriam Cyri, qui ademptum Medis Lydisque imperium primus in Persidem intulit. Et ne cui forsitan leve regis Persici testimonium videatur, ipse Medorum postremus apud Herodotum Astyages, cum Harpagus proditor captivo insultaret, exprobrasse ei dicitur, quod *cæna causa Medos in servitutem rede-gisset*. Ubi igitur imperans populus ad servilem causam redigitur & serviens principatu potitur, hic imperium mutari nemo sanus negaverit. Sed Bodinus gemino ad sententiam suam probandam argumento utitur; Primo quod Cyrus genere ac moribus cum Medis fuerit conjunctissimus quin & successio

cessio ipsi, utpote destituto mascula prole Astyage, deberetur; Verum in conversionibus imperiorum iudicioque de illis ferendo non tantum princeps sed totum Reipublicæ corpus spectandum est, adeoque vel imprimis populus; nec potuit aliunde Cyrus imperii nominationem consequi nisi ab illis quibus primo omnium imperavit, quorumque axilio expeditionem instituebat. Secundum ejus argumentum eodem respondendi medio facile evertitur. Si, inquit, *Cyrus eo tantum quod Persa fuerit, Monarchiam mutasse dicatur, ergo Roma tot habuit Monarchias, quot diversarum nationum Principes.* Repetendum enim est, non Principem solum sed maxime populum; cujus imperio subnixus alterius potentiam extinguit considerandum esse, Quam-

diu Roma tenuit *αἰξίωμα* prin-
 cipis populi nec ab alio externa
 seu subdita gente vi & armis sub-
 acta est, mansit utique idem im-
 perium etsi præessent alienigenæ;
 quod in omnibus regnis etiam
 quæ hodie sunt electiva vel suc-
 cessionibus ad externos devolvun-
 tur: ut Anglicum hoc ævo ad
 Scotos, observatur. Et quomo-
 do novum possit imperium nasci,
 ubi nullum vetus, extinguitur?
 Quod si Galli Romanis subjecti,
 defecissent, electoque principe
 pulsas Romanorum legionibus Ro-
 mam occupassent imperiumque su-
 stulissent, id novum proculdubio
 imperium fuisset, licet iisdem quibus
 antea partibus constitisset: Sic sa-
 ne Persæ hætenus vilissima pars
 servientium solenni bello fractis
 Medis dominatum ad se transtu-
 lerunt. Romani vero principes li-
 cet

cet bello ad imperium grassarentur, milite tamen & nomine Romano utque Romanorum principes fierent contendebant. Ne quidem Constantinus Magnus. quod tantopere Bodinus urget, vel Britannicum vel Byfantinum fundavit novum imperium; iisdem quibus antea rationibus, quod Romano milite & nomine in bellis uteretur; neque vero religionis aut domicilii aut institutorum regnandi mutationes, ipsum quoque imperium penitus diversum reddiderunt. Argumentum, quo nonnulli utuntur, quod Byzantium *νέα Ῥώμη* novam Romam appellari voluerint, non est tam vanum in hanc rem quam primo aspectu videtur; Inde enim liquet de Romani principis nomine eum deponendo cogitare non potuisse.

§. 2. Eum ego qui sic dixerit
K 3 non

non puto erraturum; Summi
 cæterisque excellentioris imperiū
 dignitatem à Nino Assyriis esse vindic-
 icatam, à Cyro Persis, ab Alex-
 andro in Macedonas translatam,
 esse, Romanis vero à Cæsare Julio
 vel Augusto minime; sed domi-
 natum quidem hos & tyrannidem
 instituisse, cæterum infirmius quam
 potentius reddidisse hoc imperium.
 In his igitur ab Æmilio Sura non
 est discedendum, qui principatum
 nationum Romanis statim à devi-
 ctis Philippo & Antiocho tribuit;
 Nam qui hoc statuere ob Monar-
 chiæ vocabulum refugiunt, im-
 pense ineptos se præbent. Hæc
 summorum quatuor imperiorum,
 initia tam sunt asseverata, ut con-
 tradictionem nullam patiantur. Sed
 in his dupliciter peccatum est vul-
 go. Primo quod hæc quatuor sola
 fuisse eminentia imperia censuerint,
 cum

cum tamen ex superiobus multo plura fuisse talia constet ; sed hoc modo discrimen est , quod nec tam diuturna nec adeo Scriptorum ingeniis reliqua sint celebrata. Secundus error est, quod communiter eadem summa & catholica mansisse imperia velint, quamdiu penitus sublata & extincta non fuere, quod multæ absurditati in duobus postremis causam præbuit. Nam Persarum satis æquabilis magnitudo fuit inde à Cyro majore usque ad exitum Achæmenidarum; & licet Assyrii continuam non semper potentiam conservaverint, parum tamen conspicua est eorum vicissitudo. Sed in Macedonibus (ut hoc præteream quod Alexandri imperium in multa statim regna sibi mutuo non obnoxia divulgum est) illud risu quam refutatu est dignius, quod miseras Alexandri
suc-

successorum reliquias, Macedonibus extinctis, fractisque Syris & obnoxiiis dudum Romano nomini Ægyptiis, tamen Catholicæ Monarchiæ nomine & honore dignentur; & præterea quod Romanæ magnitudinis characterem adeo in Germanorum Regibus agnoscant, ut summi illis imperii dignationem hodieque perinde ac olim adscribant; quasi id unum Romanis datum esset, ut imperii illud nomen in terris sempiternum foret. Danielis Prophetæ oraculum, quod Ecclesiæ populique Judaici respectum habet nulla ex parte nos attingemus.

F I N I S.

Corrigenda.

Pag 66. lin. 20. & 21. *pra Luciano lege præter Lucianum.* Pag. 92. lin. 9. *ratione lege natione.*

VA1
151 4332